


漢書辨疑

三



漢書辨疑

(三)

錢大昭撰

漢書辨疑卷十三

郊祀志上

揖五瑞 尚書作輯。史記及魏脩孔子廟碑竝作揖。古字通。

故作畦時櫟陽而祀白帝 太康地理志云。時在櫟陽故城內。其時若畦。故爲畦時。此司馬貞說也。較顏

注爲優。

昔文公出臘 臘。南雍本、閩本皆作獵。

來饌人羨門之屬 來。南雍本、閩本皆作求。

蚩尤在東平陸監鄉齊之西竟也 案續漢志東平陸有闕亭。劉昭曰。左傳桓十一年會于闕。杜預曰。在

須昌縣東南有闕城。博物記云。卽此亭是也。大昭案監與闕古字通。齊太公世家。監止有寵焉。索隱云。

左氏監作闕。田齊世家亦作監。止東平陸與東郡之壽良接壤。故地理志蚩尤祠在壽良。

最居齊東北陽 陽。史記作隅。

元尚羨門高 元史記作充。

而刻勒始皇所立石書旁 刻字閩本作胡亥二字。

諸侯疾秦焚詩書 閩本。秦下有皇字。

唯雍四時上帝爲尊。時南雍本、閩本竝作時。

秋涸凍冬賽祠。賽、閩本作塞、塞古賽字。

故常以十月上宿郊見李奇曰上宿上齋戒也。閩本上齋戒作月上旬。閩本是。

通權火張晏曰權火煖火也如淳曰權舉也師古從如說。惠士奇曰郊見通權火蓋燔柴之遺法。甘泉

賦欽柴宗祈燎熏皇天舉浩頤樹靈旗樵蒸焜上配藜四施東燭滄海西耀流沙北曠幽都南煬丹厓

所謂通權火也。惠說是。張如顏三說皆非是。

祠天地天社天水房中當上之屬。當上史記作堂上。南雍本、閩本與史記同。下云荆巫祠堂則梁巫祠

堂上矣。

其令天下立靈星祠。詩絲衣序云高子曰靈星之尸也。未知卽此靈星與否。

以郊見渭陽五帝五帝廟臨渭。閩本不重五帝二字。

樂成侯登。史記無登字。徐廣曰姓丁名義。

鴻漸于般。今本周易作磐。案屯初九磐桓利居貞。隸釋仲秋下旬碑作般桓。知磐字古作般也。

鼎宜視宗禰廣臧於帝庭。廣南、雍本、閩本作廟。蓋其字本作庶。而譌爲廣耳。庶古文廟字。

黃帝得寶鼎冕候。冕候史記作宛胸。

有星幸於三能。樂記注云古以能爲三台字。王莽傳云三能文馬。

郊祀志下

封則天旱乾封三年 旱闕本作下。

登禮灊之天柱山號曰南嶽 初學記引盛弘之荊州記云。衡山者。五嶽之南嶽也。其來尙矣。至於軒轅。乃以灊霍之山爲副焉。故爾雅曰。霍山爲南嶽。蓋因其副焉。至漢武南巡。又以衡山遼遠。道隔江漢。於是乃徙南嶽之祭於廬江。灊縣亦承軒轅副義也。案白虎通德論及說文解字諸書。皆以霍山爲南嶽。蓋就漢制言之。爾雅霍山爲南嶽之文。亦是漢人附益。至霍山爲副之說。竝無證據。不足信矣。應劭風俗通義乃謂衡山一名霍山。牽合漢制。以傅會經義。失之遠甚。

濟南人公玉帶 漢韓敕碑陰有公玉虎。楊震碑陰有勃海公玉子舉。

井幹樓高五十丈。師古曰幹或作韓。案作韓者是說文韓井垣也。从韋。取其市也。軌聲。

禪凡山 五帝本紀。東至于海。登丸山。徐廣曰丸一作凡。裴駟案地理志丸山在琅邪朱虛縣。索隱作凡。音扶嚴反。正義音桓。括地志丸山卽丹山。在青州臨朐縣界。朱虛故縣西北二十里。據此則丸凡卽是一山。其字當爲丸矣。

雍縣無雲如靄者三 如讀與而同。

東嶽泰山於博 博泰山縣。

中嶽秦室於嵩高 嵩高潁川縣。

南嶽瀆山於瀆。瀆山，天柱山也。亦謂之霍山。爾雅大山宮，小山霍。天柱中峯小，四面有大山以環繞之。宮之象也。故謂之霍。瀆，廬江縣。

西嶽華山於華陰。華陰，京兆縣。西嶽華山，廟碑云：孝武皇帝脩封禪之禮，思登遐之道，巡省五嶽，禮祀豐備，故立宮其下。宮曰集靈宮，殿曰存僊殿，門曰望僊門。中宗之世，重使使者持節祀焉。歲一禱而三祠。

大王建國於郊梁。說文：郊，周大王所封。在右扶風美陽中水鄉，或作岐。因岐山以名之。

博問耆老意舊臧與。意讀與抑同。

長一寸所。所猶許也。許，所古字通。小雅伐木許許。知文引作伐木所所。又疏廣傳：數問其家，金尚有幾所。顏監曰：幾所猶言幾許。

今行常幸長安。閩本無行字。

遣候者乘一乘傳馳詣行在所。閩本、南雍本無乘一兩字。

不可或以神怪。或古惑字。下放此。

是故每奉其禮。奉，南雍本、閩本俱作舉。

盡復前世所常與諸神祠官。閩本無諸字。

後平伏誅。閩本伏下有詐字。

始立泰一祠于甘泉二歲一郊 二歲南雍本閩本作三歲。

周官天墜之祀 說文籀文地从隄从土 淮南子墜形訓亦用籀文。

海廣大無限界 閩本廣大下有而字。

北方帝顓頊黑靈玄冥時及月廟雨師廟辰星北宿北宮于北郊兆奏可劉原父曰兆奏兆字衍 按周禮春官小宗伯兆五帝于四郊注云兆爲壇之營域說文塊畔也爲四時界祭其中言月廟雨師廟之屬皆在北郊營域之中與上文未墜兆東郊兆西郊兆南郊兆同皆于兆字斷句劉氏乃于郊字斷句而謂兆字衍文誤矣。

馮八風臺於宮中臺成萬金作樂其上順風作湯液 惠士奇曰按內經黃帝問曰上古聖人作湯液醪醴爲而不用何也岐伯曰古聖人之作湯液醪醴者以爲備耳故爲而弗服也中古之世道德稍衰邪氣時至服之萬全當今之世必齊毒藥攻其中鑊石鍼艾治其外形弊血虛而功不立然則古之治病未有毒藥鍼石先有湯液醪醴故謂之醫一天二地三人四時五音六律七星八風九野身形亦應之入出入氣應風順風作湯液者時則訓所謂服八風水也故王莽起八風臺作樂其上說者謂八方之風朝會太乙豈其然。

言此黃帝穀僊之術也 李少君之穀道疑卽此也李奇以爲辟穀不食之道非是。

自天地六宗以下至諸小鬼神凡千七百所 案志中所載鬼神名目悉數之不能終漢自孝武信方士

之術。所祠神靈。鑿空無據者多。新莽末年。媚神尤甚。卒以敗亡。非所謂淫祀無福者邪。今考地理志所載。得三百八十九所。謹臚列如左。

虎候山祠 在京兆藍田。

太華山祠 在華陰。

周天子祠二所 在湖。

周右將軍杜主祠四所 在杜陵。志云。杜主五祠。後置其一。故云四所。

天齊公五。林山僊人五。帝祠四所 在馮翊谷口。此天齊公。又是一神也。八神中之天齊。淵水。在臨菑。

河水祠 在臨晉。

休屠金人及徑路神祠三所 在雲陽。

越巫魺鄭祠三所 在雲陽。魺當作姑。

汧水祠 在扶風郁夷。

五時 在雍。

太昊黃帝以下祠三百三所 在雍。

黃帝子祠 在隄廩。

上公明星黃帝孫舜妻盲冢祠 在陳倉。

黃帝子周文武祠 在號。

垂山斜水雍水祠三所 在武功。

天子廟 在河東大陽。

堯山首山祠 在蒲反。

延壽城僊人祠 在河南緱氏。

沛廟 在東郡臨邑。

蚩尤祠 在壽良。

太室少室山廟 在潁川密高。

天柱山祠 在廬江潛。

恆山祠 在常山上曲陽。

泰山廟 在泰山博。

亭亭山祠 在鉅平。

蒙山祠 在蒙陰。

逢山祠 在齊郡臨朐。

之罘山祠 在東萊睡。

萊山松林萊君祠 在黃。

海水祠 在臨朐。

參山萬里沙祠 在曲成。

百支萊王祠 在轍。

成山日祠 在不夜。

太一僊人祠九所 在琅邪不其。

三山五帝祠 在朱虛。

四時祠 在琅邪。

萊山萊王祠 在長廣。

環山祠 在昌。

江海會祠 在臨淮海陵。

春申君祠 在會稽無錫。

黑水祠 在益州滇池。

昆崙山祠 在金城臨羌。

端旬祠十五所 在安定朝那。

湫淵祠 在朝那。

五龍山帝原水黃帝祠四所 在上郡膚施。

天封苑火井祠 在西河鴻門。

天室山祠 在膠東卽墨。

三戶山祠 在下密。

江水祠 在廣陵江都。

天文志

注孟康曰皆日旁氣也 皆閩本作暈。

注凡氣食日上爲冠爲戴 食日二字誤。南雍本閩本作在日。

北斗七星 七星之名。酉陽雜俎所載與運斗樞不同。第一名執陰。第二名執諧。第三名視全。第四名拒

理。第五名防許。第六名開寶。第七名招搖。不知段氏何據。

所謂旋璣玉衡以齊七政杓。攜龍角衡殷南斗魁枕參首。徐廣孟康注。史漢俱以杓爲斗七星。衡爲斗

四星。魁爲斗一星。其說最明。運斗樞乃以一至四爲魁。五至七爲杓。則衡轉無屬。其說非是。

曰文昌宮 潛夫論云文昌奠功司命舉過觀惡深淺稱罪降罰。

房心心爲明堂 後漢書郎顛傳云房心者天帝明堂布政之宮。

旁有兩星曰衿。衿元命包作鉤。鉤案志又云。其後熒惑守房之鉤。鉤鉤天子之御也。則此疑亦當爲鉤鉤。

火犯守角則有戟房心王者惡之。戟閩本作戰。火熒惑也。熒惑犯守箕尾氏自生芒角則有兵戰之事。若熒惑犯守房心及房心自生芒角則王者惡之也。

廷藩西有隨星四名曰少微。廷太微三光之廷。藩筐衛十二星也。隨讀與墮同。

畢曰罕車爲邊兵主弋獵。說文畢田罔也。从畢象畢形。後漢書蘇竟傳云畢爲天網。主網羅無道之君。故武王將伐紂。上祭于畢。求助天也。

下有三星銳曰罰。後漢書郎顛傳云罰者白虎。其宿主兵。其國趙魏。

又曰祆星不出三年。祆俗作妖。三閩本作五。熒惑爲亂爲成。成南雍本閩本及天官書竝作賊。

國得土不迺待女子。不迺得女子者。不得土迺得女子也。下云不迺失女者。不失土迺失女也。

房心豫州尾箕幽州。後漢書蘇竟傳云房心卽宋之分。東海是也。尾爲燕分。漁陽是也。

夏氏日月傳。夏氏不知何時人。藝文志無此書。

共下止地類狗所墜。共南雍本閩本皆作其。

格澤者如炎火之狀。閩本無如字。司馬相如大人賦云。建格澤之脩竿兮。

注李奇曰怒當首帑。首南雍本閩本竝作言。

去極遠近難知。要以晷景。易通卦驗云。冬至人主不出宮。寢兵從樂。五日擊黃鐘之磬。公卿大夫列士之意得。則陰陽之晷如度數。夏至之日。如冬至之禮。冬至之日。置八神樹八尺之表。日中視其晷。晷如度者。其歲美。人民和順。晷不如度者。則歲惡。人民多譎言。政令爲之不平。晷進則水。晷退則旱。進一尺。則日食。退一尺。則月食。月食。則正臣下之行。日食。則正人主之道。晷進爲盈。晷退爲縮。冬至晷長一丈三尺。小寒晷長一丈二尺四分。大寒晷長一丈一尺八分。立春晷長一丈一尺六分。雨水晷長九尺一寸六分。驚蟄晷長八尺二寸。春分晷長七尺二寸四分。清明晷長六尺二寸八分。穀雨晷長五尺三寸六分。立夏晷長四尺三寸六分。小滿晷長三尺四寸。芒種晷長二尺四寸四分。夏至晷長一尺四寸八分。小暑晷長二尺四寸四分。大暑晷長三尺四寸。立秋晷長四尺三寸六分。處暑晷長五尺三寸二分。白露晷長六尺二寸八分。秋分晷長七尺二寸四分。寒露晷長八尺二寸。霜降晷長九尺一寸六分。立冬晷長一丈一寸二分。小雪晷長一丈一尺八分。大雪晷長一丈二尺四分。晷過而長爲常寒。過。荀紀作進。

月有九行者。尚書考靈耀云。萬世不失九道謀。鄭注引河圖帝覽嬉。與天文志正合。廣雅云。立春。春分。東從青道。二。出黃道。東。交于房二度中。立夏。夏至。南從赤道。二。出黃道。南。交于七星四度中。立秋。秋分。西從白道。二。出黃道。西。交于胃十二度中。立冬。冬至。北從黑道。二。出黃道。北。交于虛二度中。四季之月。

還從黃道。

食至日跌爲疾。跌至哺爲黍。南雍本跌皆作跌。疾作稷。

故客謂張耳曰東并秦地。并南雍本閩本作井。

在鬻鱸且去益小。且南雍本閩本作旦。

且去時大如桃。且閩本作旦。

占曰爲白衣之會非秦也。非南雍本閩本作井。

有星孛於注張。注卽柳也。爾雅釋天味謂之柳。律書云。注者言萬物之始衰。陽氣下注。故曰注。索隱曰。

注、味也。天官書云。柳爲鳥注。主木草。

元封中星孛于河戌。占曰南戌爲越門。北戌爲胡門。三史拾遺曰。河戌南戌北戌皆戌字之譌。東井西

曲星曰戊。戊北三星爲北河。南三星爲南河。所謂南戌北戌也。史記天官書。朝鮮之拔星葑于河戒。蓋

亦戊字。俗儒不通六書。譌寫爲戒。僧一行因有兩戒之說。謂天下山河之象。存乎兩戒。且引星傳北戒

爲胡門。南戒爲越門之文。不知爲戊之譌也。

星孛于招搖傳曰。搖字下南雍本。閩本俱有星字。

東北往數日至往疾去遲。往閩本作住。

河平二年十月。前已云。河平元年矣。此河平二字疑衍。

東方有赤色大三四圍。閩本赤下有白字。

王氏之興萌于成帝。南雍本、閩本帝下有時字。

五行志上

則陰氣協木木先寒。協、南雍本、閩本作脅。

劉向以爲齊桓好色聽女口。左氏傳齊侯好內服。虔曰：內婦言也。

故致太災。太、南雍本、閩本作大。

釐公二十年五月己酉西宮災。左氏作乙巳。南雍本、閩本與左氏同。

左氏以爲西宮者公宮也。左傳無此文。是左氏說。

言宮舉區皆災也。區、閩本作國。

成居喪亡哀戚心數興兵戰伐。心、閩本作宣。予謂心下脫宣字。

陳畚華。葢左氏作搗。

妃以五陳。陳左氏作成。南雍本、閩本與左氏同。下文亦云。故曰妃以五成。

鳳誣章以大逆梟下獄死。梟、閩本作章。

皇后年六歲而立十三年而昭帝崩。外戚傳皇后立十歲而昭帝崩。后年十四五云。此十三年疑當作

十年三字衍。

闕法令所從出也。南雍本、閩本闕上有門字。

又戾后起于微賤與趙氏同。同字下南雍本、閩本皆有應字。

不成者衆及爲變怪。及、閩本作乃。

共殺威公嚴釋父讎。威、閩本作桓。上文桓字。五見此處。不應獨作威。閩本是。

五行志中之上。

左氏使桓公十三年。使、南雍本、閩本皆作傳。

成肅公受賑于社。賑當作賑。

朝有著定。著通作宁。門屏之間也。周語云。大夫士日恪位著。以倣其官。釋名宁、宁也。將見君所宁立之處也。

注鄭公子士及堵俞彌。士下南雍本、閩本有洩字。

注高九尺鐵爲卷。尺、南雍本、閩本作寸。

又見大白狗冠方山冠而無尾。昌邑王傳云。嘗見白犬高三尺無頭。其頸以下似人而冠方山冠。

不敬而備霧之所致也。服虔音霧。爲人備霧。本此。

晉爲溴梁之會。閩本晉下有侯字。

二卿而五大夫。二、閩本作三。

趙孟曰天乎。天，宋板左氏傳作天。

昊天不弔。昊，南雍本閩本作旻。注同。

秦伯使遂來聘。遂，西乞術也。術，遂古字通。

還過枳道。枳道，卽軹道。

櫜，高后掖師古曰：櫜，謂拘持之。說文：揭，鞬持也。拘當作揭。

推其服以爲人斃。服，當作服。南雍本、閩本不誤。

京房易傳曰：復崩來無咎。陸德明易釋文云：朋，京房本作崩。

後三世周致德祚於秦。陳景雲曰：後三世，謂顯王之世也。致德祚，謂顯王九年致文武胙于秦也。以胙

爲祚，傳寫失之。晉說非。

五行志中之下

羊上角下號。號，南雍本作號。

於易五爲天位爲君位。閩本無下爲字。

山陽藁茅鄉社有大槐樹。杜預曰：茅鄉在高平昌邑縣西。

與諸呂同衆。衆，南雍本、閩本作衆。

而桓有妒媚之心。媚，閩本作媚。

四月乙亥朔御史大夫朱博爲丞相 公卿表作乙未。
少府趙元爲御史大夫 公卿表元由中尉遷非少府也。

五行志下之上

則區霧無識師古曰區音口豆反 案區霧卽儻霧。

王心弗哉 哉閩本作戔說文戔殺也从戈今聲徐鉉音口含切郭注爾雅引書西伯堪黎堪戔同。
是歲二川竭 二閩本作三。

陳閔公使使問仲尼 魯語作陳惠公韋昭曰惠公陳哀公之孫悼太子之子也。

遂自賢聖 賢聖閩本作聖賢。

正月民驚走持橐 閩本作五月。

聚會里巷仞而設祭張博具 仞伯卽阡陌也閩本無祭字。

五行志下之下

史記曰食或言朔而實非朔 曰南雍本閩本作日。

襄公十五年八月丁巳日有食之 丁巳下閩本有朔字。

文帝三年十月丁酉晦日有食之在斗二十三度 閩本作二十二度。

景帝 案景帝四年十月戊戌晦日有食之中四年十月戊午日有食之皆見本紀志失載。

書曰乃用其婦人之言。此牧誓文也。志及谷永傳注師古竝以爲秦誓疑誤。皆亭星炎之所及。炎與燄同。後流炎芒炎。放此。

卷中凡春秋十二公。又凡漢著紀十二世。又成帝建始元年。閩本皆不提行。

漢書辨疑卷十四

地理志上

隨山栞木 栞、今作刊、借用耳。說文栞、槎識也。夏書曰隨山栞木。栞篆文。

申繇木條 說文中、艸木初生也。古文或以爲艸字。繇、說文作繇。云艸盛貌。

浮于汶達于涉 案上文兖州、下文揚州、達皆作通。此疑亦當作通。

滎波既豬 波、史記作播。皆借用字。說文、潘、水名。在河南滎陽。禹貢滎潘同稱。卽此潘矣。

岷嶓旣藝 岷、閩本作嶓。注同下文。嶓山皆作嶓。閩本是。

又東至于荷 荷、當依說文作荷。

二百里納銍 納、南雍本閩本作內。上下文皆爲內。此納字誤。

京兆尹 平帝紀元始四年、分京師置前輝光後、丞烈二郡。

長安 本名咸陽。秦所都。水北曰陽。其地在渭水之北。

戶八萬八千口二十四萬六千二百 縣之戶口兼書者。惟京兆之長安、馮翊之長陵、扶風之茂陵、潁川

之陽翟、僑陵五縣耳。書戶不書口者。惟河南之雒陽、南陽之宛、蜀郡之成都、魯國之魯、楚國之彭城五

縣。其他俱不書戶口。

新豐高祖七年置。史記本紀作十年置，非也。新豐爲太上皇而設。漢之十年太上皇已崩矣。華陰續志屬恆農。

太華山在南有祠豫州山。禹貢山川及職方山鎮。巨浸藪澤。志特標明之。

鄭說文鄭周厲王子友所封。宗周之滅。鄭徙潛洧之上。今新鄭是也。

湖。後漢屬恆農。劉昭曰。前志有鼎湖。

故曰胡武帝建元年更名湖。建元下脫一字。太平寰宇記作建元元年。

下邳隴西有上邳。故此云下。

南陵沂水出藍田谷北至霸陵入霸水。據說文及水經注攷之。是澶水也。師古音沂爲先歷反。未之攷耳。

耳。

奉明宣帝置。史皇孫奉明園在此縣。本名廣明。元康元年改。

杜陵故杜伯國。杜伯事見墨子。

左馮翊衙。漢蒼頡廟碑作衙。

粟邑。薛宣傳云。縣小僻在山中。

鄜。說文鄜左馮翊縣。从邑。夔聲。俗作鄜。非是。

頻陽秦厲公置。厲當作共。薛宣傳云。北當上郡西河。爲數郡湊。

臨晉芮鄉故芮國。通典同州馮翊縣古芮國。

沈陽。據水經注當作沅陽。

襄德荆山下有彊梁原。王念孫曰：彊梁當作荆渠。

長陵。續志屬京兆。

陽陵。續志屬京兆。

雲陽有越巫黠鄭祠三所。三史拾遺曰：黠廣韻作黠。从卯从卵，皆無意義。當是姑之譌。說文辜，臯也。古

文作姑。周禮大宗伯以醯辜祭四方百物。鄭司農云：披磔牲以祭。若今時磔狗祭以止風。姑鄭蓋醯辜之遺制。與說文尙部又有尙字，訓爲枯，音義亦近。

右扶風高帝二年更爲中地郡。九年罷。案公卿表：高帝十年尙有中地守宣義，疑非九年罷也。

槐里有黃山宮。西京賦云：繞黃山而款牛首。

鄠古國有扈谷亭。亭上脫甘字。說文扈，夏后同姓所封，戰于甘者。在鄠有扈谷甘亭。水經渭水注云：甘

水又北逕甘亭西。昔夏啟伐有扈，作誓於此亭。是鄠與扈同，故云古國也。

鄠水出東南。說文鄠，周文王所都。在京兆杜陵西南。通典鄠，今京兆府長安縣西北靈鄉豐水上。

又有瀉水皆北過上林苑入渭。說文瀉水出扶風鄠北入渭，與此相符，則瀉當作澇矣。說文又有瀉字，

注云水名在京兆杜陵，此別是一水，非入渭之水也。

釐周后稷所封。說文郤炎帝之後。姜姓所封。周棄外家國。右扶風釐縣是也。郤釐古字通。左傳魏駘、芮岐、畢。又作駘。亦段借用之。

美陽中水鄉。說文郃周大王所封。在右扶風美陽中水鄉。水經注。岐水歷周原下北則中水鄉。成周聚水北卽岐山。

郿。郡縣志云。本秦縣。今縣東二十五里有故城。今縣周天和元年。築縣在渭水南一里。縣治城南當斜谷。

入蒙籠渠。籠當作龍。

雍秦惠公郿之。惠當作惠。史記秦本紀。德公元年。初居雍城大鄭宮。水經注亦云德公。大昊黃帝以下祠三百三所。郊祀志。雍舊祠二百三所。此三字誤。應爲二百。

漆水在縣西。說文。漆水出右扶風杜陵岐山。東入渭。案徐廣及十三州志竝云。出杜陽岐山。山海經云。踰次之山。漆水出焉。水經云。出杜陽俞山。踰俞同字。則俞山疑岐山旁之小山矣。叔重以爲杜陵。杜陵在京兆。非扶風。顯係傳寫之誤。

汧吳山在西。封禪書有吳岳。徐廣曰在汧。

汧水出西北入渭。水經注。渭水東與楚水合。世所謂長蛇水。出汧縣之數歷山南。流注于渭闕駟。以爲汧水焉。

芮水出西北東入涇。周禮職方。雍州其川涇。涇州良原縣有涇水。一名宜祿川。西自隴州華亭縣流入。

安陵。闕駟以爲本周之程邑。案程與郢同。文王卒于畢郢。是其地矣。

茂陵武帝置。水經渭水注云。茂陵縣武帝建元二年置。地理志曰。宣帝縣焉。今作武帝置。或後人因水經注追改邪。

武功大壹山。古文以爲終南。左傳昭四年作中南。案張平子西京賦。終南太一。隆岫崔峯。潘岳西征賦。九巖巖嶺。太一巖嵒。面終南而背雲陽。跨平原而連蟠冢。則終南太一。不得謂之一山。李善曰。終南山之總名。太一一山之別號。其說差近。

至南鄭入沔。至上應有南字。

有垂山斜水。淮水祠。淮疑當作雍。

莽曰新光。案莽傳云。以武功縣爲安漢公采地。名曰漢光邑。其後莽改國號爲新。故爲新光。

弘農郡弘農衙山領下谷。衙山領。郡國志注作衡領。非。

盧氏熊耳山在東伊水出。出上當有所字。

又有育水南至順陽入沔。育水亦謂之均水。水經均水出析縣北山。南入于沔。注云。均水發原盧氏縣。

熊耳山。縣卽析縣之北鄉。故言出析縣之北山。下文丹水東至析入鈞。鈞卽育水也。

陝西號在雍州。州字衍。左氏傳。隱元年。鄭人以號師伐衛。杜注。號。西號也。弘農陝縣東南有號城。

丹水。續志屬南陽。

新安。本紀。元鼎三年冬。徙函谷關于新安。以故關爲弘農縣。

商。續志屬京兆。

析。續志屬南陽。

上雒。續志屬京兆。

河東郡秦置。案河東魏豹地。漢二年。虜豹始置。薛宣傳云。拜河東郡尉。趙護爲廣漢太守。今此郡諸縣。

不言有郡尉治。或是闕文。河南河內河東皆屬司隸。謂之三河。丞相遺史刺之。故田叔傳云。使刺三河。

也。此郡當云屬司隸。

縣二十四。尹翁歸傳云。河東二十八縣。分爲兩部。閔孺部份北。翁歸部份南。今云二十四。蓋元始時。縣

數如此。

大陽吳山在西。上有吳城。吳城。郡國志作虞城。吳。虞古字通。

左邑莽曰兆亭。水經注作洮亭。

聞喜故曲沃武帝行過更名。武帝紀。元鼎六年。至左邑桐鄉。聞南越破。以爲聞喜縣。三國志。高貴鄉公

詔曰。漢孝武元鼎中。改桐鄉爲聞喜。新鄉爲獲嘉。以著南越之亡。據此。是武帝以左邑之桐鄉。特置此

縣非改曲沃縣爲聞喜也。

平陽 平陽之封。至後漢猶未絕也。疑脫侯國二字。

襄陵有班氏香亭。水經注。汾水又南歷襄陵縣故城西。晉大夫卻犢之邑也。故其地有犢氏鄉亭矣。據此。則班當爲犢。香當爲鄉。

騏侯國 駒幾所封。表注北屈。疑北屈分置。

太原郡秦置。秦本紀。莊襄王四年。初置太原郡。始皇本紀。八年。又以河西太原郡更爲毒國。漢初屬西魏。二年。虜魏豹始置。

有家馬官 案百官表。太僕屬官。已有家馬。太原復有之。又在邊郡六牧師苑之外矣。

龍山在西北有鹽官。晉水所出。東入汾。案太原郡下已有鹽官。在晉陽。此處有鹽官三字。衍文。水經。汾水過晉陽縣東。晉水從縣南東流注之。

汾陽北山。汾水所出。南至汾陰入河。案山海經云。管涔之山。汾水出焉。水經云。汾水出汾縣北管涔山西。至汾陰縣北。西入于河。然則北山卽管涔山矣。

大陵 史記衛綰傳云。綰代大陵人。知故屬代郡。

原平 續志屬雁門。

上艾 續志屬常山。

廣武 續志屬雁門。

河主賈屋山在北。本志雁門郡句注山在陰館。廣武與陰館毗連。故載之。婁敬傳是時漢兵以踰句注。夏侯嬰傳從擊胡騎句注北是也。此作河主誤。

上黨郡秦置。高帝二年定魏地置郡之屬縣。無都尉治。案杜業傳左遷上黨都尉。

屯畱桑欽言絳水出西南東入海。海當作漳。

余吾 續志無。李賢曰。余吾故城在今潞州屯畱縣西北。

沾大陂谷清漳水所出。陂當作窰。古要字。

高都莞谷丹水所出東南入洺水。據水經注當作絕水。閩本作絕。

河內郡朝歌 劉昭曰。前書注云。鹿臺在城中。今本脫。

隆慮國水東北至信成。水經洹水出上黨洺氏縣東。過隆慮縣北。據此則國當作洹。

河南郡故秦三川郡 秦本紀。莊襄王二年。初置三川郡。其後李由爲三川守。司馬貞曰。地有伊洛河。故

曰三川。

莽曰保忠信鄉 莽曰上脫口數鄉。莽傳作卿。

雒陽春秋昭公二十一年 當作三十二年。

莽曰宜陽 莽傳作義陽。

滎陽 王莽傳云以陳畱以西付祈隧。祈隧故滎陽。據此疑脫莽曰祈隧四字。隧與隊同。莽置六隊。河南亦在其中。是滎陽乃祈隊大夫治。

偃師莽曰師成。水經穀水注師成作師氏。

中牟有筦叔邑。當作有筦城。故筦叔邑。括地志鄭州管城縣。今州外城卽管國城。叔鮮所封。

河南故郟鄏地。國語晉文公定襄王于郟。韋昭曰洛邑王城之地也。

穀成 續志屬東郡。

密有大隗山。濮水所出。南至臨潁入潁。說文濮水出河南密縣大隗山。南入潁。又有灑字云水出河南

密縣。東入潁。蓋說文重出此字。水經注無灑水也。

東郡秦置 秦始皇本紀二年初置東郡。

縣二十二 史記信陵君傳秦使蒙驁攻魏拔二十城。初置東郡。始皇本紀同。是秦時領縣二十也。

濮陽應劭曰濮水南入鉅野。據水經濟水注濮水南入鉅野句。係本注。應劭曰三字疑衍。

荏平 續志屬濟北國。

東武陽 泰山有南武陽。故此云東。

禹治漯水 治當作貢。

離狐 續志屬濟陰。

須昌 續志屬東平國。

壽良 續志屬東平國。

蚩尤祠在西北。壽良縣西北。卽東平陸監鄉。

白馬 戴延之西征記云。白馬故城。衛之漕邑。

南燕南燕國姑姓。下南燕二字疑誤。當云故國。羅泌曰。南燕伯爵。伯儵國。后稷妃南燕姑氏也。今滑之

胙城東北。漢南燕縣。隨改曰胙。

廩邱 續志屬濟陰。

陳留郡陳留魯渠水首受狼湯渠。東至陽夏。入渦渠。渦。說文作渦。云水受淮陽扶溝浪湯渠。東入淮。

寧陵 續志屬梁國。

襄邑有服官。司馬彪輿服志云。衣裳玉佩備章采乘輿。刺史公侯九卿以下皆織成。陳留襄邑獻之云。

封邱濮渠水首受洙。闕駟曰。首受別洙。北洙也。

長羅侯國 常惠所封。李賢曰。故城在今滑州匡城縣東北。

僞 續志屬梁國。

濟陽 孝景中六年。封梁孝王子明爲濟川王。濟陽其國都也。

潁川郡秦置。始皇本紀。十七年。內史騰攻韓。盡納其地。以其地爲郡。命曰潁川。

昆陽 南陽魯陽有昆水。東南至定陵入汝縣。在昆水之陽也。

潁陽應劭曰潁水出陽城。案陽城山洧水所出。非潁水也。潁水出陽城之陽乾山。

成安侯國也。郭忠所封也。字衍。

周承休侯國。姬延年所封。姬嘉初封周子南君。至初元五年。由君而進爵耳。其地未之改也。表注長社。

蓋析長社置。

元始二年更名鄭公。二當作四。鄭當作邝。說詳恩澤侯表。

休音許虬反。休字上脫師古曰三字。

汝南郡莽曰汝汾分爲賞都尉。三史拾遺曰。案王莽傳。有賞都大尹王欽。則賞都乃郡名。後人誤添尉

字耳。宜祿縣。莽改曰賞都亭。亦賞都爲郡名之一證。

陽城侯國。平干頃王子劉田所封。

灑強。灑。說文作灑。云水出潁川陽城少室山東入潁。水經。灑水出灑強縣南澤中東入潁。注云。灑水出

潁川陽城縣少室山東流注于潁水。而亂流東南。經臨潁縣西北。小灑水出焉。

女陽。女古汝字。下女陰同。

安成侯國。王崇所封。

細陽。水經潁水注引地理志云。細水出細陽東南入潁。今無此文。細。說文作洧。云水出汝南新鄆入潁。

宜春侯國 王訢所封。豫章亦有宜春。續志：汝南之宜春有北字。

女陰故胡國 胡下當有子字。

新息 息說文作鄖。云姬姓之國在淮北。

濯陽 水經：濯水出吳房縣西北，與山東入汝。注：濯入灑，灑入汝。

弋陽侯國 任宮所封。

歸德侯國 先賢擇所封。

安昌侯國 張禹所封。

安陽侯國 未詳何人封國。攷王子侯表：元朔三年封濟北貞王子樂爲安陽侯。傳至元孫亡。後濟北封

城不能至汝南。且表中明注平原，必非汝南之安陽矣。

博陽侯國 莽曰樂家。丙吉所封。樂家水經注作樂嘉。

成陽侯國 楚思王子衆所封。

定陵高陵山汝水出。出上當有所字。淮南子：汝出猛山。注：猛山一名高陵山。在汝南定陵縣。諸書惟淮

南子注與漢志合。山海經則云：汝水出天息山。在梁勉鄉。西南入淮。極西北。一曰淮在期思北。郭注云

今汝水出南陽魯陽縣大孟山。東北至河南梁縣。東南經襄城、潁川。汝南至汝陰。襄信縣入淮。說文解

字則云：汝水出恆農盧氏。還歸山東入淮。水經與山海經同。杜預釋例與郭注同。皆與班志不合。

南陽郡秦置。秦本紀昭襄王三十五年，初置南陽郡。

宛戶四萬。閩本作四十萬，誤。

杜衍。續志無。李賢曰：杜衍故城在今鄆州南陽縣西南。

鄆侯國。蕭慶所封何曾孫。

育陽。育，水名。說文作涑。

博山侯國故順陽。孔光所封。表亦注順陽。蓋哀帝改順陽為博山以封光。國除之後，仍為順陽縣耳。應

劭以為明帝改曰順陽，誤矣。

堵陽。水經涑水注引地理志：堵陽有堵水，今無此文。

雒衡山澧水所出，東至鄆入汝。鄆當作鄆，潁川縣也。師古音屋，誤矣。

舞陰中陰山澧水所出，東至蔡入汝。中陰，誤。說文作中陽。蔡當作上蔡。

穰。說文作鄆。

鄆。育水出西北南入漢。說文涑，或曰出鄆山西。

安衆侯國。長沙定王子丹所封。

隨厲鄉故厲國也。厲即賴也。左傳僖十五年，齊師曹師伐厲。杜注厲，楚與國。義陽隨縣北有厲鄉。桓十

三年，楚子使賴人追之。杜注與伐厲同。昭四年經云：楚伐吳，遂滅賴。公羊作厲，是古字通。

魯陽魯山澁水所出。魯山誤。說文澁水出堯山。據水經注當有莽曰魯山四字。

舂陵侯國 長沙定王子買所封。建武十八年更名章陵。

新都侯國 王莽所封。南陽新野之郡鄉也。

紅陽侯國 王立所封。

樂成侯國 許延壽所封。表注平氏。蓋析平氏置。

博望侯國 許舜所封。

復陽侯國 長沙頃王子延年所封。

南郡高帝元年更爲臨江郡。臨江下郡字當作國。項羽封其敖爲臨江王。

江陵秦拔我郢徙東。東當作陳。頃襄王徙陳。

秭歸歸鄉故歸國。國上當有子字。

江夏郡下雉。南陽有雉。故此加下。

鍾武侯國 長沙頃王子度所封。續志屬零陵。永建三年更名重安。

廬江郡淮水出。淮當作漣。水下當有所字。說文漣水出廬江入淮。

濳 續志作潛。古字通。尙書江沱潛漢。漢書作濳。

松茲侯國 六安共王子霸所封。

九江郡當塗侯國 魏不害所封。

注禹所娶塗山侯國也 侯字衍。

博鄉侯國 六安繆王子交所封。

曲陽侯國 王根所封。續志作西曲陽。

山陽郡戶十七萬二千八百四十七口八十萬一千二百八十八 案張敞傳云戶九萬三千口五十萬。

以上戶口懸殊。蓋孝平時戶口增衍實數如此。

南平陽 泰山有東平陽。故此云南。

成武 續志屬濟陰。

湖陵禹貢浮于泗淮通于河 泗淮當作淮泗。河當作荷。卽禹貢荷澤也。

注章帝封東平王倉子爲湖陵侯。更名湖陵 倉當作蒼。陵皆當作陸。

單父 續志屬濟陰。

薄 續志屬梁國。

祁關 閩本注君美二字未詳。都有美義。或是莽曰君美歟。

城都侯國 王商所封。

黃侯國 梁敬王子順所封。

爰戚侯國 趙長年所封。

郟成侯國 宋祁以爲邛成之譌。王奉光所封。大昭案說文。邛。邛地。在濟陰縣。濟陰與山陽其地相近。郡

國志濟陰成武有郟城。蓋國除之後。并於成武。而成武改屬濟陰。故許叔重以爲濟陰地也。宋說是。

中鄉侯國 梁敬王子延年所封。

平樂侯國 梁敬王子遷所封。

淮水東北至沛入泗。淮當作泡。水經注云。泡水卽豐水之上原也。沛當作沛。說文泡水出山陽平樂東

北入泗。

鄭侯國 梁敬王子罷軍所封。

留鄉侯國 梁敬王子就所封。

栗鄉侯國 東平思王子護所封。

曲鄉侯國 梁荒王子鳳所封。

西陽侯國 東平思王子竝所封。

濟陰郡禹貢荷澤在定陶東。湖陵但有荷水。非澤所鍾。故載於此。禹貢之導荷澤。正在定陶。

成陽有堯家。成陽故屬梁。爲陳太后湯沐邑。元朔中有罪。奪屬濟陰。家當作冢。鄭氏詩譜云。昔帝堯嘗

游成陽。死而葬焉。

禹貢雷澤在西北。據詩譜正義所引。知此雷下脫夏字。

稔。說文作庇。

沛郡廣戚侯國。楚孝王子勳所封。續志屬彭城。

下蔡。舊志屬九江。

豐。郡國志。豐有枌榆亭。注引前志。注。枌榆社在縣東北十五里。今無此文。

公丘侯國。魯共王子順所封。

敬丘侯國。魯共王子政所封。

夏丘。續志屬下邳。

涑侯國。趙敬肅王子周舍所封。

莽曰有成。閩本作育成。大昭謂有育。皆非也。當作香成。郢曰單城。蘄曰蘄城。皆其例矣。

建成侯國。黃霸所封。

城父。續志屬汝南。

建平侯國。杜延年所封。

鄗。當作鄗。說文鄗。沛國縣。蕭何封國。

栗侯國。趙敬肅王子樂所封。

扶陽侯國 韋賢所封。

高侯國 梁敬王子舜所封。

高柴侯國 梁敬王子發所封。

平阿侯國 王譚所封。續志屬九江。

義成侯國 甘延壽所封。居攝二年。延壽孫遷更爲誅邳支侯。表中但云更名。不言徙封。則此當有莽曰

誅邳支五字。續志屬九江。

魏郡莽曰魏城。案城亦作成。王莽傳有魏成大尹。

館陶河水別出爲屯氏河。東北至章武入海。過郡四。案溝洫志云。河北決於館陶。分爲屯氏河。東北經

魏郡。清河。信都。勃海入海。所謂過郡四也。

卽裴侯國 趙敬肅王子道所封。侯表及說文。竝作擲裴。

邯鄲侯國 趙敬肅王子仁所封。

平恩侯國 許廣漢所封。水經注引陳留風俗傳云。平恩縣故館陶之別鄉。地節三年置。

邯溝侯國 趙頃王子偃所封。

鉅鹿郡 王莽分鉅鹿爲和戎郡。治下曲陽。

象氏侯國 趙敬肅王子賀所封。

鄆 說文作鄆南雍本。閩本于師古曰音苦么反之下。有又差臬反四字。今脫。

新市侯國 廣川繆王子吉所封。續志屬中山國。

莽曰市樂 水經注引作樂市。

堂陽 續志屬安平國。

安定侯國 燕刺王子賢所封。

歷鄉侯國 廣川繆王子必勝所封。

樂信侯國 廣川繆王子強所封。

武陶侯國 廣川繆王子朝所封。

柏鄉侯國 趙哀王子買所封。

安鄉侯國 趙哀王子喜所封。

常山郡元氏沮水首受中邱西山窮泉谷東至堂陽入黃河。沮當作泚。說文泚水在常山。直尼切 史記陳

餘傳。斬陳餘泚水上。徐廣曰在常山。音遲。郭注山海經云。泚水出常山中丘縣。

桑中侯國 趙頃王子廣漢所封。

房子贊皇山石濟水所出 石字衍。

封斯侯國 趙敬肅王胡傷所封。

樂陽侯國 趙頃王子說所封。

莽曰暢苗 本或作陽苗。非也。水經濁漳水注亦作暢苗。

平臺侯國 史元所封。

都鄉侯國 趙頃王子景所封。

清河郡莽曰平河 平河水經淇水注作河平。

清陽王都 代孝王孫義徙封清河。故有王都。志既言王都當于郡下。注云武帝元鼎四年別爲國。宣帝

地節四年復故。今無此注。史闕文。

東武城 定襄有武城。故加東。

靈莽曰播 水經注作播亭。

郇 功臣表俞侯呂它。俞侯欒布。竝作俞。說文作郇。

愬題師古曰愬古莎字。三史拾遺曰。案說文無愬字。當是愬之譌。說文愬。心疑也。讀若易旅瑣瑣。莎與

瑣音相近。

東陽侯國 清河綱王子宏所封。

信鄉侯國 清河綱王子豹所封。表作新鄉。古字通。

涿郡涿桃水受首涑水 受首當作首受。涑水一名巨馬河。水經。巨馬河出代郡廣昌縣涑山。東至東平。

舒縣入海。注云卽涑水也。亦曰渠水。

南深澤 續志屬安平國。

范陽莽曰順陰。順陰水經易水注作通順。

蠡吾 趙廣漢傳。涿郡蠡吾。故屬河間。續志屬中山國。

易 續志屬河間。

廣望侯國 中山靖王子忠所封。

鄭 高陽 續志俱屬河間。

州鄉侯國 河間獻王子禁所封。

安平 續志屬安平。

樊輿侯國 中山靖王子脩所封。

成侯國 中山康王子喜所封。

良鄉侯國 趙共王子交所封。表作梁鄉。古字通。

利鄉侯國 中山頃王子安所封。

臨鄉侯國 廣陽頃王子雲所封。

益昌侯國 廣陽頃王子嬰所封。

陽鄉侯國 廣陽頃王子發所封。

西鄉侯國 廣陽頃王子容所封。

饒陽 續志屬安平。

中水 武垣 續志俱屬河間。

阿武侯國 河閒獻王子豫所封。

高郭侯國 河閒獻王子璿所封。

新昌侯國 燕刺王子慶所封。

勃海郡屬幽州 勃、說文作郭。續志改屬冀州。

南皮莽曰迎河亭 水經注作逆河亭。

定侯國 齊孝王子越所封。

章武莽曰桓章 桓章據文義疑是章桓。然水經注亦作桓章。

參戶侯國 河閒獻王子免所封。

成平庫池河民曰徒駭河 民疑是或字之譌。成平。續志屬河閒。

柳侯國 齊孝王子陽已所封。

臨樂侯國 中山靖王子光所封。

東平舒 續志屬河閒。

安次 續志屬廣陽。

脩市侯國 清河綱王子寅所封。

文安 續志屬河間。

景成侯國 河間獻王子雍所封。

東州 續志屬河間。

章鄉侯國 謝殷所封。

蒲領侯國 清河綱王子祿所封。

平原郡平原有篤馬河東北入海五百六十里 入海下疑脫行字。

高注讀與耿同 耿南雍本閩本竝作隔。

平昌侯國 王無故所封。續志作西平昌。

羽侯國 濟北式王子成所封。

瑗 水經注作援。

富平侯國 張安世初封之富平在陳畱。其子延壽上書請減戶邑。乃徙封平原。國名如故。未徙封之前。

是厭次縣地。故東方朔平原厭次人也。

莽曰樂安亭 水經注作安樂亭。

合陽侯國 梁喜所封。

樓虛侯國 嘗順所封。水經注作楊墟。

龍額侯國 韓說所封。

安侯國 濟北貞王子樂所封。表作安陽。疑陽當作煬。是其謚。

千乘郡千乘 續志屬樂安國。

有鐵官 案郡下已注有鐵官矣。縣名下又書之。疑衍文。

溼沃 縣以濕水所經得名。今本作溼誤。司馬彪、魏收皆承其謬。惟水經注作濕沃不誤。

平安侯國 王舜所封。表傳俱作安平。疑誤。外戚傳作平安。

博昌 蓼城 樂安 續志皆屬樂安國。

被陽侯國 齊孝王子燕所封。

繁安侯國 齊孝王子忠所封。

高宛 續志屬樂安國。

濟南郡景帝二年爲郡 二年當作三年。

般陽 續志屬齊國。

朝陽侯國 廣陵厲王子聖所封。續志作東朝陽。

獭侯國 趙敬肅王子起所封。

注蔡謩音由音鶚 由當作曰。鶚當作鴞。閩本不誤。

宜成侯國 燕倉所封。

泰山郡汝水出萊毋西入濟 案萊蕪縣下亦載汝水較此加詳則此八字是衍文。

東平陽 山陽有南平陽故此云東。

南武陽 東郡有東武陽故此云南。

寧陽侯國 魯共王子恬所封。續志屬東平。

桃山侯國 城陽孝王子欽所封。

莽曰哀魯 閩本哀作襄無魯字。

桃鄉侯國 東平思王子官所封。

式 當作成。續志作成云本國。劉昭曰左傳衛師入郟杜預曰東平剛父縣西南有郟鄉。

齊郡利 續志屬樂安。

鉅定馬車瀆水 水經注云馬車瀆水今淄水。

廣爲山濁水所出 水經注以濁水爲卽澗水。

臨朐石膏山洋水所出 石膏山說文作高山水經巨洋水出朱虛縣太山北過臨朐縣東北入海注云。

太山郡東小太山也。巨洋水卽國語所謂具水矣。

北鄉侯國 涑川孝王子譚所封。

平廣侯國 涑川懿王子行所封。表作平度。誤。平度屬東萊。不言侯國。

北海郡劇魁侯國 涑川懿王子黑所封。賈逵曰。川阜曰魁。

輒侯國 城陽頃王子息所封。

益莽曰探湯。後漢書劉盆子傳。注云。王莽改北海益縣爲探湯。水經注作滌蕩。益。續志屬樂安。

劇侯國 涑川懿王子錯所封。

平望侯國 涑川懿王子賞所封。水經注。巨洋水東北逕望海臺。伏琛晏謨以爲平望亭。在平壽縣故城

西北八十里。

平的侯國 涑川懿王子強所封。

柳泉侯國 膠東戴王子強所封。

壽光 續志屬樂安。

樂望侯國 膠東戴王子光所封。

饒侯國 膠東戴王子成所封。表作成康侯。饒下注北海。北海無成縣。是轉寫者倒其文耳。

斟故國禹後 京相璠曰。故斟尋國。禹後是也。後省入平壽。今山東萊州府濰縣東廢斟城是。

平城侯國 膠東頃王子邑所封。

密鄉侯國 膠東頃王子林所封。

羊石侯國 膠東頃王子回所封。

樂都侯國 膠東頃王子訢所封。

石鄉侯國 膠東頃王子理所封。

上鄉侯國 膠東頃王子歛所封。

新成侯國 膠東頃王子根所封。

成鄉侯國 高密頃王子安所封。

膠陽侯國 高密頃王子恁所封。

東萊郡曲城陽丘山治水所出南至沂入海 沂字誤當作計斤計斤琅邪縣。

當利莽曰來萊亭 來字誤南雍本閩本皆作東。

陽樂侯國 膠東頃王子獲所封表誤作樂陽。

琅邪郡不其 續志屬東萊。

贛榆 續志屬東海。

朱虛 後漢永初元年屬北海。

靈門壺山浯水所出東北入淮 水經注浯水出浯山世謂之巨平山淮字誤說文作漣下文橫下折泉

下作淮亦誤。

虛水侯國 城陽頃王子禹所封。

臨原侯國 淄川懿王子始昌所封。

孤邪存四時祠 存當作有。

戚侯國 城陽頃王子雲所封。表作按形相似而誤。

甌 續志屬北海。

餅侯國 淄川靖王子成所封。

零段侯國 城陽頃王子澤所封。

黔陬 續志屬東萊。

雲侯國 齊孝王子信所封。

稻侯國 齊孝王子定所封。

皋虞侯國 膠東康王子建所封。

平昌 續志屬北海。

長廣 續志屬東萊。

橫故山久 久、閩本作名。

魏其侯國 膠東康王子昌所封。

茲鄉侯國 城陽荒王子宏所封。

箕侯國 城陽荒王子文所封。

禹貢維水北至昌都入海 昌都當作都昌。都昌北海縣。鄭康成注尚書云。濰水出箕屋山。與說文同。

稗 說文作稗。从禾。

高廣侯國 城陽荒王子勳所封。

高鄉侯國 城陽惠王子休所封。

柔侯國 城陽荒王子山所封。表作棗。形相似而譌。

卽來侯國 城陽荒王子俊所封。

麗侯國 高密頃王子賜所封。表作麗茲。

武鄉侯國 高密頃王子慶所封。

伊鄉侯國 城陽戴王子遷所封。

新山侯國 稱忠所封。

高陽侯國 薛宣所封。

昆山侯國 城陽荒王子光所封。

參封侯國 城陽戴王子嗣所封。

折泉侯國 城陽荒王子根所封。

博石侯國 城陽荒王子淵所封。

房山侯國 城陽荒王子勇所封。

慎鄉侯國 膠東頃王子共所封。表作順陽。慎順古字通。陽字疑表誤。

颺望侯國 冷廣所封。

安丘侯國 高密頃王子常所封。

高陵侯國 莽曰蒲睦。翟方進所封。蒲。閩本作滿。

臨安侯國 膠東共王子閔所封。

石山侯國 城陽戴王子元所封。

東海郡下邳 續志屬下邳國。

良成侯國 魯安王子文德所封。續志屬下邳。

開陽莽曰厭虜。案莽改定襄之武要爲厭胡。張掖之刪丹爲貫虜。北地之靈武爲威戎。亦此意。續志屬

琅邪。

費 續志屬泰山。

蘭祺侯國 魯安王子臨朝所封。

海西 續志屬廣陵。

繪 續志屬琅邪。

南成侯國 城陽共王子貞所封。屬泰山。

山鄉侯國 魯孝王子綰所封。

建鄉侯國 魯頃王子康所封。

卽丘 臨沂 續志俱屬琅邪。

容丘侯國 魯安王子方山所封。

祠水東南至下邳入泗 祠水、水經注作桐水。

東安侯國 魯孝王子強所封。

承莽曰承治 閩本作承始。

建陽侯國 魯孝王子咸所封。後漢書劉永傳云。建陽去昌慮三十里。

曲陽 司吾 續志俱屬下邳。

千鄉侯國 泗水勤王子定所封。

平曲侯國 廣陵厲王子曾所封。是郡有兩平曲。一郡中不得重名。以王莽改名推之。似應作曲平。然侯表竝不爾也。考史記表。江陽侯蘇嘉索隱曰。表在東海。既云東海。則非犍爲之江陽矣。今本地理志東海無江陽。小司馬所見。當是古本。不得有誤。竊疑重出之平曲。當是江陽也。

都陽侯國 城陽戴王子音所封。

陰平侯國 楚孝王子同所封。

郿鄉侯國 楚思王子光所封。

武陽侯國 史丹所封。

新陽侯國 魯頃王子永所封。

建陵侯國 魯孝王子遂所封。

昌慮侯國 魯孝王子弘所封。

都平侯國 城陽荒王子丘所封。

臨淮郡武帝元狩六年置。水經濟水注引此作五年。

莽曰淮平。淮平下當有屬徐州三字。

徐 取慮 淮浦 盱眙 僮 續志俱屬下邳國。

射陽 續志屬廣陵。

高山 續志屬下邳。

鹽瀆 續志屬廣陵。

淮陰 續志屬下邳。

下相 沛國有相縣。其水下流。又因置縣。故名下相也。續志屬下邳。

東陽 續志屬廣陵。

播旌 續志屬下邳。

高平侯國 王逢時所封。

開陵侯國 成婉所封。

呂陽侯國 泗水戾王子霸所封。

廣平侯國 廣陵孝王子德所封。

蘭陽侯國 廣陵孝王子宜所封。表作蘭陵。

襄平侯國 廣陵厲王子豐所封。

輿堂邑 續志俱屬廣陵。

樂陵侯國 史高所封。

會稽郡秦置。始皇本紀二十五年。降越君。置會稽郡。後漢順帝分會稽之吳、海鹽、烏程、餘杭、毗陵、丹徒、

曲阿、由拳、富春、陽羨、無錫、婁、置吳郡。

毗陵江在北。江當作北江。閩本有北字。

山陰有靈文園。園上當有侯字。

餘杭莽曰進睦。閩本作淮睦。

治。光武更名章安。

丹揚郡故鄣郡屬江都。案故鄣郡下當有景帝三年四字。

宛陵清水西北至蕪湖入江。清當作洽。說文洽水出丹陽宛陵西北入江。

黝。說文作黝。

溧陽。說文溧水出丹陽溧陽縣。

豫章郡宜春南水東至新淦入湖漢。南水。水經注作索水。

安平侯國。長沙孝王子習所封。後漢更名平都。

桂陽郡臨武秦水東南至瀘陽入匯。案說文漆水出桂陽臨武入涯。志中漆譌爲秦。涯譌爲匯。小顏不

能考正。輒音匯爲胡賄反。失之矣。

南平。說文深水出桂陽南平西入營道。水經深水出桂陽盧聚西北。過零陵營道縣南。又西北過營浦

縣南。又西北過泉陵縣西北。七里至燕室邪。入于湘。

陽山侯國 長沙孝王子宗所封。

陰山侯國 志中惟此侯不得其人以實之。

武陵郡臨沅莽曰監元 元當作沅。

佷山 續志屬南郡。

充歷山澧水所出東至下雋入沅 案澧當作醴。此與出南陽雒縣衡山東入汝之澧水不同。

零陵郡都梁侯國 長沙定王子定所封。

泉陵侯國 長沙定王子賢所封。

鍾武 後漢永建三年更名重安。

漢中郡南鄭旱山池水所出 池水、水經注作潒水。

安陽鬻谷水出西南北入漢 段玉裁曰此雖不系之禹貢。然據鄭注梁州沱潛云。地理志在今蜀郡郫

縣及漢中安陽皆有沱水潛水其尾入江漢。則志述禹貢作潛。此安陽下作鬻實一物也。

廣漢郡雒南至新都谷入湍 谷字衍。

甸氏道 續志甸氏道、剛氏道俱屬廣漢屬國。

蜀郡青衣 後漢西南夷傳云。犍都夷武帝所開。元鼎六年以爲沈黎郡。天漢四年并蜀爲西部。置兩都

尉。一居旄牛主徼外夷。一居青衣主漢人。據此則青衣旄牛二縣皆當有都尉治句。

成都有工官。案成都廣漢之工官，皆冶金銀器。貢禹傳：蜀漢主金銀器，歲各用五百萬。嚴道有木官。文選蜀都賦注：引此作有橘官。

犍爲郡南廣，又有大涉水，北至符入江。至字入江字皆誤。據水經注：當云北入符黑水。堂琅，山名，南中志云：堂狼山多毒艸，盛夏之月，飛鳥過之，不能得去。

越巂郡遂久繩水出，徼外東至犍道入江。案水經：淹水出越巂遂久縣徼外，東南至蜻蛉縣，又東過姑復縣南，東入於若水，此繩水或卽淹水歟。

青蛉則禺同山，則字疑衍。

益州郡。昭帝紀：始元元年，益州廉頭、姑繒、牂柯、談指、同竝二十四邑皆反。西南夷傳同。今志中牂柯郡有談指同竝，而益州郡無廉頭、姑繒，或是改名，或是并省，不可得而知矣。

收靡南山臘涂水而出。收，說文涂字注作牧，隸釋益州太守碑作牧靡者二，是收字誤也。臘字下脫谷字。水經注涂水導原臘谷。

牂柯郡驚東入沅。據水經注：沅當作延。

夜郎莽曰同亭。案西南夷傳：夜郎國有且同亭，故莽謂之同亭。

巴郡墊江。說文作墊江。

胸忍。續漢書郡國志及曹全碑，竝作胸忍。顏籀音胸爲劬是也。闕駟十三州志乃云胸音春，忍音閔，其

地下溼多胸臆蟲。因以名縣。既有春音。則字已近于胸矣。然玉篇中尙無胸字。杜佑通典。州郡門作胸。臆。胸音如順切。臆音如尹切。讀如閏。蠢君卿雖從闕音。而字猶未變。至徐鉉校定說文解字。竟于肉部。附入胸臆二字。亦可謂不考舊章。好信異說者矣。

容母水所出。南有橘官。據水經注。南下當有人江二字。

魚復江關都尉治。華陽國志云。巴楚相攻。故置江關。舊在赤甲城。後移在江州南岸。對白帝城。

漢書辨疑卷十五

地理志下

武都郡 武都、隴西、金城、天水、武威、張掖、酒泉、敦煌、安定、皆當云屬涼州。今脫。

武帝元鼎六年置 後漢西南夷傳云：白馬氏者，武帝元鼎六年開分廣漢西部，合以爲武都。

隴西郡秦置 案異姓諸侯王表云：漢拔我隴西，則高帝元年屬雍國，二年方屬漢。

上邽 西 續志俱屬漢陽。

羌道 續志屬武都。

金城郡 昭帝紀始元六年，以邊塞闊遠，取天水、隴西、張掖各二縣，置金城郡。

枹罕 續志屬隴西。

河關 水經注引地理志云：宣帝神爵二年，置河關縣，蓋取河之關塞。據此，則今本脫宣帝以下七字。河

關續志屬隴西。

允街莽曰脩遠 水經注脩遠下有亭字。

臨羌莽曰鹽羌 鹽字誤。水經注作盩羌。

天水郡冀 說文作驥。

張掖郡顯美 續志屬武威。

酒泉郡池頭 續志作沙頭。

敦煌郡冥安西北入其澤 其當作冥。

效穀本魚澤障 孫寶傳上以唐林朋黨比周。左遷敦煌魚澤障候。

安定郡朝那又有秋淵祠 秋當作湫。

參繚 續志屬北地。

祖厲 續志屬武威。

鶉陰 續志作鶉陰屬武威。

北地郡秦置 案高帝元年屬雍國。二年屬漢。

莽曰威成 水經注作威戎。

直路且水出東西入洛 說文澧水出北地直路西東入洛。據此則且當作澧。東當作西。西當作東也。水

經作沮。云沮水出北地直路縣東。過馮翊郡鞏縣東北入于洛。注云俗謂之漆水。又謂之漆沮水。

靈武莽曰威成亭 水經注作威戎亭。李賢曰靈武有谷。在今靈州懷遠縣西北。

鶉孤 續志作鶉觚屬安定。

歸德 中興省宋白曰慶州華池縣本漢歸德縣地。又通遠軍西北有歸德川。

郁郅有牧師苑官。漢制邊郡牧師苑官有六郡，謂隴西、天水、安定、北地、上郡、西河也。志中惟記其一。遼東襄平亦有牧師官，又在六郡之外矣。

弋居有鹽官。續志弋居有鐵，似當云有鐵官。

上郡屬并州。屬朔方部，不屬并州。

元年更爲翟國。七月復故。七月上疑脫二年二字。

白土園水出西東入河。東水經注作南。

高奴。翟王董翳都。

有洧水可難。據水經注，洧水下常有肥字。

宜都莽曰堅寧。水經注，堅寧下有亭字。

西河郡美稷。說文，蒲、西河美稷，保東北水。

中陽。說文，馮水出西河中陽北沙，南入河。

大成。續志屬朔方。

平周。衛霍傳，稱路博德西河平州人。周州古字通。

虎猛西部都尉治。有制虜塞。見匈奴傳。

臨水莽曰堅水。堅，南雍本閩本竝作監。

觥是 說文。觥角觥曲也。西河有觥氏縣。氏與是古字通。曲禮云。五官之長曰伯。是職方。鄭注云。是或爲氏。覲禮云。太史是右。注云。古文是爲氏。

朔方郡 武帝元封中。別令刺史監之。不在十三州之限。故平當蕭育翟方進。竝爲朔方刺史。

窳渾屠申澤在東 水經注云。屠申澤東西一百二十里。

五原郡蒲澤 西雍本。閩本竝作蒲澤。

南興 當作南興。

成宜中部都尉治原高 高。水經注作亭。

西安陽莽曰漳安 水經注作鄣安。

雲中郡縣十一 周勃世家云。定雲中郡十二縣。是秦領縣十二。

北輿注闕駟云。廣陵有輿。故此加北。案水經注云。五原有南輿。故此加北。闕駟之說太疏遠也。

定襄郡成樂 武進 定襄 續志俱屬雲中。

雁門郡縣十四 周勃世家。定雁門郡十七縣。是秦領縣十七。

善無 中陵 續志俱屬定襄。

陰館樓煩鄉 樓煩上當有故字。

莽曰富代 水經注作富臧。

代郡有五原關 成帝紀及說文竝作五阮關。

當城注當桓都城 水經注桓都下有山作二字。

且如于延水出塞外東至寧入沽 據水經注當作出北塞外東至廣寧入治師古音沽爲姑誤平舒下

沽字亦當作治。

平邑 續志作北平邑。

廣昌 續志屬中山國。

鹵城 續志屬雁門。

東至參合入庫池別 據水經注合當作戶別下當有河字。

上谷郡縣十五 周勃傳云定上谷十二縣是秦領縣十二。

軍都溫餘水 軍都續志屬廣陽溫餘水水經注作溼餘水。

昌平 續志屬廣陽。

且居樂陽水出東東入海 據水經注樂陽當作陽樂海當作沽。

漁陽郡莽曰北順 案右北平莽改北順此必不同閩本作通路當從之。

縣十二 周勃傳定漁陽二十二縣與此大不同疑彼傳衍二字秦領縣亦止十二。

泉州有鹽官 續志泉州有鐵此鹽字或鐵之譌。

右北平郡縣十六 秦領縣亦止十六見周勃傳

遼西郡 當有莽曰令支四字何以知之雁門郡莽曰填狄其屬縣瑯則曰填狄亭代郡莽曰厭狄其屬

縣代書曰厭狄亭上谷郡莽曰朔調其屬縣夷輿則曰朔調亭漁陽郡莽曰通路其屬縣路則曰通路亭右北平莽曰北順其屬縣徐無則曰北順亭今遼西屬縣惟令氏莽曰令氏亭亦其例也

縣十四 史記絳侯世家云定遼東遼西二十九縣今地理志遼東西有卅二縣與史記不同蓋後有析置者耳

柳城 續志無李賢曰故城在今營州南

肥如莽曰肥而 如而古字通

狐蘇唐就水 水經注作居就水形相似而譌

文莽曰受亭 受南雍本閩本竝作文

沓氏注應劭曰氏水也 氏水南雍本閩本作沓水

元菟郡西蓋馬 馬續志作鳥

樂浪郡有雲郵 雲郵疑卽今所謂烟瘴

不而東郡都尉治 郡當作部

南海郡中宿有涯浦官 官當作關

鬱林郡 說文作鬱林。

中畱注畱水名 說文潛水出鬱林郡。

交趾郡北帶 閩本作比帶。

合浦郡臨允牢水北入高要入鬱 北入當作北至。

九真郡 脫屬交州三字。

趙國故秦邯鄲郡縣四 秦領縣六 見靳歙傳。

廣平國曲梁侯國 平干頃王子敬所封 續志屬魏郡。

陽臺侯國 平干頃王子田所封 表作陽城 疑誤臺 閩本作臺 案說文云籀文堂从高省 疑此卽臺字。

真定國真定 續志屬常山國。

縣曼斯洩水東至鄒入河 水經注作入章河。

中山國盧奴應劭曰盧水出右北平 案北平卽下文北平縣也 右字衍 水經注云黑水曰盧 不流曰奴。

北平又有盧水亦至高陽入河 據水經注河當作博。

北新成莽曰朔平 水經注作朔寧 續志屬涿郡。

望都博水東至高陽入河 據水經注河當作澹。

陸成 元朔二年封中山靖王子貞爲侯國 表作陸城。

信都國南宮莽曰序下。水經濁漳水注作序中。

信都 項羽封耳爲常山王治信都更名襄國見張耳傳又云追殺趙王歇襄國亦謂此信都也。

廣川 續志屬清河國。

樂鄉侯國 河閒獻王子修所封。

平隄侯國 河閒獻王子招所封。

西梁侯國 廣川戴王子闢兵所封。

昌成侯國 廣川繆王子元所封後漢改爲阜城。

東昌侯國莽曰田昌 清河綱王子成所封田昌疑是西昌。

脩 續志屬勃海。

河閒國 脫屬冀州三字。

武隧 續志屬安平國。

弓高莽曰樂成 水經注樂成下有亭字。

廣陽國 脫屬冀州三字。

劇應劭曰故肥國今肥亭是 劇續志屬北海注二肥字據水經注皆當作紀。

東安平 續志屬北海。

膠東國 脫屬青州句。

卽墨 續志屬北海。

下密有三台山祠 台當作戶 見郊祀志。

下密 壯武 觀陽 續志俱屬北海。

高密國 脫屬青州句。

高密 昌安 夷安 續志俱屬北海。

城陽國莒 陽都 東安 續志俱屬琅邪。

淮陽國高帝十一年置 案高帝十一年置淮陽國 以封皇子友 孝惠元年 徙封于趙 當改爲郡 故孝惠

孝武時 申屠嘉 汲黯 司馬安 灌夫 爲淮陽守也 宣帝復置 以封皇子欽 莽敗乃絕 依志例當云惠帝元

年更爲郡 宣帝元康三年復故 今脫漏。

扶溝 續志屬陳畱。

圍 案王莽傳云 其以益歲以南付新平 蘇林曰 陳畱圍縣 莽改曰益歲 據此 則脫莽曰益歲四字 圍 續

志屬陳畱。

梁國縣八 元朔中梁王襄有罪 削五縣 元延中梁王立有罪 復削五縣 故止八縣。

留 續志屬陳畱。

杼秋 續志屬梁國

己氏 續志屬濟陰

睢陽禹貢盟諸澤在東北 當有青州藪三字

東平國武帝元鼎元年爲大河郡 案夏侯勝傳初魯共王分魯西寧鄉以封子節侯別屬大河大河後

更名東平韋元成嘗爲大河都尉

任城 亢父 樊 續志俱屬任城國

詩亭故詩國 詩當作邾左傳襄十三年取邾杜預曰亢父有邾亭說文解字邾附庸國在東平亢父邾亭

莽曰順又 水經注作順父

魯國屬豫州 郡國志云魯本屬徐州光武改屬豫州此云豫州疑後人妄改

卞泗水西南至方輿入沛 據水經注當作入沛渠

蕃南梁水西至胡陵入沛渠 沛當作沛

騶 說文作鄒云邾國帝顓頊之後所封

楚國 後漢章帝省屬彭城

泗水國 脫屬徐州三字

莽曰水順。水經注作順水。

凌。續志屬廣陵。

注凌水所出入淮南。水經淮水注引作西南入淮。

六安國。脫屬揚州三字。建武十三年省屬廬江。

收。南雍本閩本攸下有注云音收。今本攸作收。又脫注二字。

成帝時劉向略言其域分。域。閩本作地。

溱與洧方灌灌兮。毛詩作渙渙。韓詩作洄洄。陸氏釋文云。說文作汎汎。今本說文無此訓。

高士官好文法。士。南雍本閩本竝作仕。

趙地昂畢之分壑。據荀悅漢紀。昂畢上當有胃字。

取之不足以更費注更賞也。賞。閩本作償。

船行可八月到日南象林界云。八。南雍本閩本竝作二。地理志郡縣之名似各不同。其有同者。則加東

西南北上下以別之。然細按之。重見者亦復不少。如曲陽三見。一屬九江。莽曰延平亭。一屬東海。莽曰

從羊。一屬交趾。交趾作易。師古曰古陽字。建成三見。一屬勃海。一屬沛郡侯國。一屬豫章。莽曰多聚劇

兩見。一屬北海侯國。一屬涪川國。莽曰兪定陶兩見。一屬濟陰。莽曰濟平。一屬定襄。莽曰迎符。西平兩

見。一屬汝南。莽曰新亭。一屬臨淮。莽曰永聚。陽城兩見。一屬汝南侯國。莽曰新安。一屬潁川。平昌兩見。

一屬平原侯國。一屬琅邪。成陽兩見。一屬汝南侯國。莽曰新利。一屬濟陰。東安兩見。一屬東海郡侯國。莽曰業亭。一屬城陽國。新陽兩見。一屬汝南。莽曰新明。一屬東海侯國。莽曰博聚。鍾武兩見。一屬江夏郡侯國。莽曰當利。一屬零陵。莽曰鍾桓。高陵兩見。一屬左馮翊。莽曰千春。一屬琅邪侯國。莽曰蒲睦。成兩見。一屬泰山郡。一屬涿郡侯國。莽曰宜家。新市兩見。一屬中山國。一屬鉅鹿侯國。莽曰市樂。建陽兩見。一屬九江。一屬東海侯國。莽曰建平。安兩見。一屬廣陵國。莽曰杜鄉。一屬千乘侯國。莽曰鴻睦。平城兩見。一屬北海侯國。一屬雁門。莽曰平順。臨胸兩見。一屬東萊。一屬齊郡。俱曰監胸。新都兩見。一屬廣漢。一屬南陽侯國。莽曰新林。昌陽兩見。一屬東萊。莽曰夙敬亭。一屬臨淮侯國。定陵兩見。一屬潁川。莽曰定城。一屬汝南。高平兩見。一屬臨淮侯國。莽曰成丘。一屬安定。莽曰鋪睦。饒兩見。一屬北海侯國。一屬西河。莽曰饒衍。高陽兩見。一屬涿郡。莽曰高亭。一屬琅邪侯國。武城兩見。一屬左馮翊。莽曰桓城。一屬定襄。莽曰桓就。廣平兩見。一屬臨淮侯國。莽曰平寧。一屬廣平國。陰山兩見。一屬桂陽侯國。一屬西河。莽曰山寧。樂城兩見。一屬南陽侯國。一屬河閒國。莽曰陸信。富平兩見。一屬平原。莽曰樂安亭。一屬北地。莽曰特武。成安兩見。一屬陳畱。一屬潁川侯國。復陽兩見。一屬南陽侯國。師古。音房。目反。一屬清河。莽曰樂歲。應劭曰復音腹。安定三見。一屬鉅鹿侯國。一屬安定。一屬交趾。武陽兩見。一屬東海侯國。莽曰宏亭。一屬犍爲。莽曰戢成。鄭兩見。一屬京兆尹。一屬山陽侯國。成鄉兩見。一屬北海。莽曰石樂。一屬高密國。莽曰順成。安陽兩見。一屬汝南。莽曰均夏。一屬漢中。陽樂兩見。一屬東萊侯國。莽曰延樂。

一屬遼西武都兩見。一屬武都。莽曰循虜。一屬五原。莽曰桓都。歸德兩見。一屬汝南。莽曰歸惠。一屬北地。東陽兩見。一屬臨淮。一屬清河侯國。莽曰胥陵。黃兩見。一屬山陽侯國。一屬東萊。莽曰意母。安丘兩見。一屬琅邪侯國。莽曰寧鄉。一屬北海。莽曰誅郅。開陽兩見。一屬臨淮。一屬東海。莽曰厭虜。樂陵兩見。一屬平原。莽曰美陽。一屬臨淮侯國。安成兩見。一屬汝南侯國。莽曰至成。一屬長沙國。莽曰思成。西陽兩見。一屬山陽侯國。一屬江夏。安平兩見。一屬涿郡。莽曰廣望亭。一屬豫章侯國。莽曰安寧。高成兩見。一屬勃海。一屬南郡。莽曰言程。新昌兩見。一屬涿郡侯國。一屬遼東。朝陽兩見。一屬南陽。莽曰厲信。一屬濟南。莽曰脩治。新成兩見。一屬河南。一屬北海侯國。宜春兩見。一屬汝南侯國。莽曰宣屏。一屬豫章。莽曰脩曉。石城兩見。一屬丹揚。一屬右北平。其一郡中兩見者。則有東海之平曲。王莽一曰平端。一曰端平。令備錄于此。以便稽攷云。

溝洫志

迺醜二渠以引其河。醜、河渠書作廝。

蜀守李冰鑿離嶺。嶺當作崖。說文崖高也。从宀隹聲。徐鉉音都回切。

令鑿涇水自中山西邸瓠口爲渠。水經注云。涇水東經九嶼山東。中山西謂之谷口。卽此中山也。時鄭當時爲大司農。計其時當在元光三年。尙未改名大司農也。當云大農令。穿漕渠三歲而通。閩本作二歲。

上以用事萬里沙則還 則、閩本作蹟。

注菱草也音菱 閩本作音郊。

又其口所居高於以分殺水力 南雍本閩本分下竝有流字。

遣大司農非調 廣韻非亦姓。風俗通有非子。伯益之後。是姓非名調耳。公卿表亦有此人。師古以非調

爲名疑誤。

發河南以東漕船五百艘 艘、古艘字。說文艘船總名。从木叒聲。徐鉉曰。今俗別作艘。非是。

大司空掾王橫 水經注河水篇同。儒林傳作琅邪王璜平中。

漢書辨疑卷十六

藝文志

哀帝復使向子侍中奉車都尉歆卒父業。傳作騎都尉奉車。

易傳周氏二篇。周氏雒陽人。

韓氏二篇名嬰。嬰傳云以易授人推易意而爲之傳。蓋寬饒傳引韓氏易傳疑卽此也。

丁氏八篇名寬。寬事齊田何復從周王孫受古義。景帝時寬爲梁孝王將軍。距吳楚。號丁將軍。作易說

三萬言。訓故舉大誼而已。

淮南王安聘明易者九人號九師法。法南雍本閩本竝作說。

京氏段嘉十二篇。儒林傳作殷嘉。

人更三聖。易辨終備云至哉易三聖。注云三聖伏羲、文王、孔子也。

漢興田和傳之。和當作何。

書曰詩言志。哥詠言。哥書作歌。說文哥聲也。从二可。古文以爲哥字。

禮經七十篇。劉敞曰當作十七是也。儒林傳魯高堂生傳士禮十七篇。

議奏三十八篇石渠。案書春秋論語議奏石渠下皆有論字。疑此脫論字。

雅琴趙氏七篇 後漢書劉昆傳云能彈雅琴知清角之操。

河間獻王與毛生等共采周官及諸子言樂事者以作樂記 案食貨志王莽詔曰樂語有五均鄧展曰

樂語樂元語河間獻王所傳

穀梁傳十一卷師古曰名喜 喜閩本作嘉

鄒氏傳十一卷 王吉傳吉能爲騶氏春秋卽此也鄒騶古字通

公羊外傳五十篇 三史拾遺曰漢時公穀二家皆有外傳其書不傳大約似韓詩外傳今人稱國語爲

外傳漢志卻無此名目

公羊董仲舒治獄十六篇 後漢書應劭傳云故膠西相董仲舒老病致仕朝廷每有政議數遣廷尉張

湯親至陋巷問其得失於是作春秋決獄二百三十二事動以經對言之詳矣

魯夏侯說二十一篇 夏侯勝傳云勝字長公東平人爲太子太傅受詔撰尙書論語說

魯安昌侯說二十一篇 張禹傳云初禹爲師以上難數對已問經爲論語章句獻之

八體六技 李廌芸曰六技當是八篇之譌小學四十五篇併此八篇正合四十五篇之數

蒼頡一篇上七章秦丞相李斯作 案蒼頡爰歷博學凡將急就元尙訓纂諸篇作書人姓名別具下文

此處可省攷工記注引蒼頡篇有鞞鬻柯欄正義云鞞鬻是其一篇內有治皮之事顏之推曰蒼頡篇

李斯所造而云漢兼天下海內并廁豨鯨韓覆畔討滅殘非本文也

急就一篇成帝時黃門令史游作 成帝當作元帝。

教之六書謂象形象事象意象聲轉注假借 說文六書作指事象形形聲會意餘同。至六書之次第許慎說文解字衛恆書勢江式論書表孔穎達書正義封演聞見記皆同。而鄭衆周禮注漢書經籍志隋書經籍志韋續五十六種書其次第又各不同。

太史試學童能諷書九千字以上乃得爲史又以六體試之 案說文解字云漢興有艸書尉律學僮十七已上始試諷籀書九千字乃得爲史又以八體試之許氏所云八體者漢初卽沿秦書八體之舊所謂大篆小篆刻符蟲書摹印署書殳書隸書是也若古文奇字篆書隸書繆篆蟲書之六體乃新莽時大司空甄豐等所定非漢初之制當從許氏說作八體至許氏說文九千三百五十三文雖非學僮所諷之九千字而斟酌篆文合以古籀博采通人信而有證言小學者無不奉爲準繩矣。

臣復續揚雄作十二章 二閩本作三以十三章併八十九章正一百二章。
古之學者耕且養 詩甫田疏引作且耕且養。

三年而通一藝三十而五經立也 案三年通一藝故孔子十五志學三十而立。
序六藝爲九種 此句當與上文相屬。

孟子十一篇名軻 十一疑七字之譌或云七篇外有外篇四篇。
閒之固因爲陳古今成敗也 閒閩本作問。

賈誼五十八篇 誼傳亦云凡所著述五十八篇今新書止五十六篇

桓寬鹽鐵論六十篇 汲古閣依宋板故于桓字作淵聖御名四小字 閩本竟作桓公孫田劉傳贊云汝

南桓寬次公推衍鹽鐵之論增廣條目極其論難著數萬言

入揚雄一家十八篇 閩本作三十一篇

太公二百三十七篇 謀八十一篇言七十一篇兵八十五篇 謀言兵就二百三十七篇而析言之太公

其總名也

鬻子二十二篇名熊 今道藏本鬻子二十四篇又小說有鬻子說十九篇後世所加

關尹子九篇 案高誘注呂覽云關尹關正也名喜作道書九篇能相風角知將有神人而老子到喜說

之請著上下經五千言而從之游也九篇者一字篇二柱篇三極篇四符篇五鑑篇六七篇七釜篇八

壽篇九藥篇也

列子八篇 案高誘注呂覽云列子禦寇體道人也壺子弟子又云注書八篇在莊子前莊子稱之也八

篇者天端一黃帝二周穆王三仲尼四湯問五力命六楊朱七說符八也

長廬子九篇 九篇下南雍本閩本有注云楚人今本脫

王狄子一篇 閩本作正狄子

公子牟四篇 高誘注呂覽云子牟魏公子也作書四篇魏伐中山得之以封子牟因曰中山公子牟也

田子二十五篇名駢。呂氏春秋云：陳駢貴齊。高誘注云：陳駢齊人也。作道書二十五篇。貴齊齊生死等古今也。田陳古通用。劉向七略云：齊田駢好談論。故齊人爲語曰：天口駢。

鷓冠子一篇。今道藏目錄云：十有六篇。隋書經籍志作三卷。

力牧二十二篇。兵陰陽又有力牧十五篇。

捷子二篇。史記孟荀傳作接子。接捷古字通。內則接以太牢。鄭注接讀爲捷。春秋經宋萬弑其君捷。賈

逵曰：公羊穀梁作接。荀子大略篇：先事慮事謂之接。楊倞曰：接讀爲捷。

公橋生終始十四篇。傳鄒奭始終書。案下有鄒子終始五十六篇。則此始終當作終始矣。奭字亦誤作

終始者。是鄒衍非鄒奭也。別有鄒奭子十二篇。非終始書。

南公三十一篇。六國時。案項籍傳：南公稱曰：楚雖三戶，亡秦必楚。服虔曰：南公南方之老人也。虞喜志

林云：南公道士。識廢興之數。知亡秦者必於楚。

衛侯官十二篇。近世不知作者。侯當作候。衛尉屬官。有諸屯衛候司馬二十二官。逸其姓名。故但書其

官。

公孫渾邪十五篇。平曲侯。案公孫賀傳云：賀祖父昆邪。景帝時爲隴西守。以將軍擊吳楚有功。封平曲

侯。著書十餘篇。此作渾邪與功臣表同。史記表作昆。昆渾聲相近。

處子九篇。今本史記作劇子。徐廣曰：按應劭氏姓注直云處子也。

慎子四十二篇名到。高誘注呂覽云：慎子作法書四十一篇。在申不害韓非前。申韓稱之。徐廣曰：今慎子劉向所定有四十一篇。

尹文子一篇。今道藏本上下二篇。蓋本魏黃初末山陽仲長氏詮次之舊。故隋書經籍志已作二卷。

公孫龍子十四篇。張守節曰：按平原君傳與鄒衍同時。今道藏本上中下三卷。與唐志同。

惠子一篇名施。高誘注呂覽云：惠子惠施。宋人也。仕魏爲惠王相也。孟子所見梁惠王也。

龐煖二篇。此本從橫家兵權謀家。有龐煖三篇。

待詔金馬聊蒼三篇。嚴助傳作膠蒼。按廣韻三蕭聊字下云：亦姓。風俗通有聊蒼爲漢侍中。著子書。據

此則作膠者非是。

孔甲盤盂二十六篇。應劭注田蚡傳作二十九篇。

尉繚子二十九篇。南雍本閩本尉繚下無子字。兵形執又有尉繚三十一篇。

則漫羨而無所歸心。漫羨猶漫衍也。

蔡癸一篇。閩本蔡作祭。

師曠六篇。說文鳥部引師曠曰：南方有鳥。名曰羌鸞。黃頭赤目。五色皆備。疑卽此書。又兵陰陽家有師

曠八篇。

務成子十一篇。荀子大略篇云：舜學于務成昭。楊倞注引尸子曰：務成昭之教舜曰：避天下之逆。從天

下之順。天下不足取也。避天下之順。從天下之逆。天下不足夫也。大昭案五行家有務成子災異應十
四卷。房中家有務成子陰道三十六卷。疑皆後世依託。

臣壽周紀七篇。項國圉人。項國疑淮陽國之譌。

虞初周說九百四十三篇。河南人。案郊祀志云。丁夫人雒陽虞初等。以方祠詛匈奴大宛。則虞初河南
雒陽人也。

武帝時以方士侍郎隴黃車使者。隴。閩本作號。李善注文選西京賦引曰。以方士侍郎乘馬衣黃衣。號
黃車使者。大昭案今本注有脫落。當從文選注所引增改。

出鬻輿一家二十五篇。從諸子家出而入兵技巧。

莊夫子賦二十四篇。名忌。卽嚴夫子也。此獨不避諱。史駁文。

陽丘侯劉隈賦十九篇。齊悼惠王之子也。史表陽作楊。隈作偃。

光祿大夫張子僑賦三篇。蕭望之傳作子蟯。

陽成侯劉德賦九篇。卽劉向之父。

常侍郎莊忽奇賦十一篇。百官表加官有中常侍。無常侍郎。然東方朔亦嘗爲常侍郎。則武帝時有此

加官矣。嚴助傳作嚴葱奇。

注從行至茂陵造作賦。南雍本閩本作詔造賦。

宗正劉辟彊賦八篇 辟彊字少卿。楚元王之孫。

郎中臣嬰齊賦十篇 道家有郎中嬰齊十二篇。疑卽其人。

給事黃門侍郎李息賦九篇 衛霍傳之李息。別是一人。非作賦者。

李步昌賦二篇 儒家有鈎盾宄從李步昌八篇。疑卽其人。

別栩陽賦五篇 庾信哀江南賦云。栩陽亭有離別之賦。王伯厚遂以此栩陽爲亭名。大昭謂此說非也。

志中此處俱敍賦家姓名。不載篇名。信如伯厚說。當言一篇。不當有五篇。竊意姓別名栩陽耳。廣韻十七辭。別字云離也。又姓何氏。姓苑云揚州人。皮列切。

漢中都尉丞華龍賦二篇 龍與劉向王褒同時人。

文雜賦三十四篇 文。閩本作大。

詔賜中山靖王子噲及孺子妾冰未央材人歌詩四篇 案文選中山王孺子妾歌注引此文。冰作并。又

引如淳注云。孺子幼少稱也。孺子。宮人也。

詩賦爲五種 南雍本閩本詩賦上竝有序字。

吳起四十八篇 起。衛人。爲楚將。李善注劉子駿移書太常博士文引曰。吳起三十八篇。古三四字皆積

畫。故此作四。彼作三。隋書經籍志作一卷。王應麟曰。今本三卷六篇。

季子十篇 閩本作李子。

右兵權謀十三家二百五十九篇省伊尹、太公、管子、孫卿子、鶡冠子、蘇子、蒯通、陸賈、淮南王、二百五十九種出司馬法入禮也。案二百五十九種，種字疑誤，卽上文十三家之篇數也。所云省伊尹以下諸書，今伊尹、太公、管子、鶡冠子，在道家；孫卿子、陸賈，在儒家；蘇子、蒯通，在從橫家；淮南王，在雜家。竝不入禮。注云出司馬法入禮者，因兵家下有出司馬法入禮而誤衍其文耳。此。

右陰陽十六家。此陰陽與兵權謀、兵形執、兵技巧，同是兵家。陰陽上當脫兵字。況法家者流之前，已有陰陽家者流矣。下文陰陽者亦脫兵字。章懷太子注張衡傳，以兵陰陽之風后十三篇、地典六篇爲陰陽流，又方回古今攷，引此已無兵字。知唐宋本已脫。

鮑子兵法十卷。閩本十作一。案兵技巧本百九十九篇，此作一篇，止得百九十八，尙少一篇。

武帝時軍政楊僕。軍政卽軍正也。軍正有丞，見胡建傳。

漢日旁氣行事占驗三卷。功臣表云：成帝時光祿大夫滑堪日旁占驗曰：鄧弱以長沙將兵侯，疑卽此書。

諫不能聽之王。王，南雍本閩本竝作主。

許商算術二十六卷。溝洫志云：博士許商治尙書善爲算。

堪輿金匱十四卷。周禮占夢正義云：按堪輿黃帝問天老事云：四月陽建于巳，破于亥，陰建于未，破于

癸，是爲陽破陰陰破陽。又鄭注保章氏云：堪輿雖有郡國所入，度非古數也。今其存可言者，十二次之

分也。星紀吳越也。元枵齊也。嫫訾衛也。降婁魯也。大梁趙也。實沈晉也。鶉首秦也。鶉火周也。鶉尾楚也。壽星鄭也。大火宋也。析木燕也。

秦一二十二九卷 當作二十九卷 衍二字。

五音奇肱用兵二十三卷 五音奇肱刑德二十一卷 案淮南兵略訓云。明于星辰日月之運。刑德奇肱之數。向背左右之便。此戰之助也。

次二曰羞用五事 五行志及孔光傳竝作羞。師古曰羞進也。

周易三十八卷 周易下當有脫字。

莫善於蓍龜 易繫詞作莫大。陸氏釋文本作莫善。云本亦作莫大。案何休注公羊亦引作莫善。儀禮疏同。賈公彥曰。凡艸之靈。莫善於蓍。凡蟲之知。莫善於龜。中山江水出焉。其中多良龜。郭璞云。良善也。相人二十四卷 相。視也。視人骨狀以知吉凶貴賤。春秋傳曰。公孫敖聞其能相人。隋書經籍志相書四

十六卷。

外經三十九卷 南雍本閩本九作七。

注疝音山諫反 南雍本閩本山諫反下有又音刪三字。

故諺曰有病不治常得中醫 今吳人猶云不服藥爲中醫。

漢書辨疑卷十七

陳勝傳

攻陳陳守令皆不在獨守丞與戰譙門中。案洪适隸續云。索隱謂秦無陳郡。皆字是衍文。守令與守丞同守。非官也。劉原父云。是陳縣之攝令。游俠傳王游公謂茂陵守令尹公曰。君辱原涉如是一旦真令至。復單車歸爲府吏。注云。守茂陵令。未真爲之。隸釋有羊寶道碑云。青衣尉趙君。到官六日。郡召守鐵官長。積四月。徙守成都令。後還歸尉官。又金鄉守長侯成碑云。郡授五官掾。功曹守金鄉長。卽家假印綬。周憬碑陰有涇陽守長南平丞寔祇三人者。亦是以它君攝事。然則守令守丞。非真令丞也。師古以爲郡守郡丞。非是。

勝迺立爲王號爲張楚。閩本號下無爲字。

今趙又安敢害將軍之家乎。閩本又作獨無之字。南雍本作獨有之。

張賀軍勝出臨戰。軍下閩本有敗字。

項籍傳

梁父卽楚名將項燕者也。漢紀云。故楚將項燕之孫。

請斬獄掾曹咎書。咎後爲楚海春侯大司馬。

會稽假守通晉灼曰楚漢春秋云姓殷 漢紀作殷通。

府中皆讐伏 史記作讐伏。案說文讐失氣言。傳毅讀若讐。讐與讐古字通。徇下縣 此下縣與上文使人收下縣同。漢紀作下邳縣。非是。

開陳嬰已下東陽 東陽屬臨淮郡。水經注云淮陰縣楚漢之間爲東陽郡。

謂其軍曰 南雍本閩本軍下有吏字。

有名於楚 名閩本作功。

梁已并秦嘉軍胡陵 南雍本閩本軍下皆重軍字。

居鄴人范增 羽尊爲亞父。封歷陽侯。

故南公稱曰 藝文志陰陽家有南公三十一篇。

卒食半菽 史記作芋菽。徐廣曰芋一作半。

羽使蒲將軍引兵渡三戶 水經注漳水東逕三戶峽爲三戶津。

擊秦軍汙水上 水經注汙水出武安山東南經汙城北入漳。

羽迺立章邯爲雍王 是時但立爲王尙無封地。至分天下以王諸侯。邯乃王咸陽以西。

遂西到新安 新安恆農縣。括地志故城在洛州澠池縣東一十三里。卽坑秦卒處。

史卒多竊言 南雍本閩本竊言下有曰字。

歷陽侯范增曰 歷陽九江縣。

羽擊陳留外黃外黃不下 閩本不重外黃二字。

漢有善騎射曰樓煩 功臣表有樓煩將丁復 蓋將樓煩之兵耳 樓煩非姓名。

羽復引而東至東城 東城九江縣。

願爲諸軍快戰 快 漢紀及南雍本閩本竝作決。

吾爲公得 史記作德 古字通。

以封五人皆爲列侯 喜赤泉侯 醫杜衍侯 馬童中水侯 勝涅陽侯 武吳房侯。

惠文武昭襄 史記作惠王武王 無文昭襄。

兼韓魏燕趙宋衛中山之衆 史記 燕下有楚齊二字。

流血漂鹵 鹵 文選作櫓 案說文櫓 大盾也 或作櫛 此又櫛之省文。

威震四海 此句與下文餘威震于殊俗 史記及新書震 皆作振 古字通。

舜蓋重童子 童 古瞳字也 說文本不从目。

張耳傳

張耳大梁人也 大梁 陳留之浚儀縣也 陳勝傳謂之陳人 則秦時大梁屬陳縣歟。

相國房君諫曰 相國當作柱國 陳勝傳云 以上蔡人房君蔡賜爲上柱國 史記作相國 亦誤。

難可獨立趙後 獨字下南雍本閩本俱重立字。

且什一二相全 南雍本閩本作且什有一二相全。

魏豹傳

酈生至豹謝曰 至南雍本閩本作往。

田儼傳

形容尙未能敗猶可知也 知閩本作觀。

韓王信傳

故立韓公子橫陽成君爲韓王 南雍本閩本作橫陽君成。

韓信傳

上不欲就天子乎 南雍本閩本作天下。

必欲拜之 南雍本閩本必欲上皆有王字。

破代禽夏說闕與 史記趙奢破秦兵闕與是也。在上黨涅氏縣。

戰鋒不可當也 閩本作其。

齊夸詐多變反覆之國南邊荒 南雍本閩本竝作南邊楚。

深說以三分天下之計 之計二字閩本作鼎足而王四字。

信病不從。南雍本閩本信下有稱字。

恐其黨不亂。亂南雍本閩本作就。

彭越傳

漢王追楚爲項籍所敗固陵。固陵上當有脫字。漢王之敗。敗于陽夏南。非固陵也。其與留侯計議。令信越并力擊楚。乃在壁固陵之時。見於本紀及張良傳。此固陵上當有壁字。

黥布傳

太宰主之三日不得見。百官表奉常秦官其屬有太宰。是時諸侯王蓋亦有此官。臣竊爲大王或之。或古惑字。或之者疑之也。

隲謂布何苦而反。隲卽遙也。說文無遙字。賈誼傳。貴賤有等。而下不隲。師古曰。隲與隲同。陳湯傳。橫厲。烏孫隲集都賴。師古曰。隲讀曰遙。

吳芮傳

孝惠高后時封芮庶子二人爲列侯。孝惠時封便侯吳淺。高后時封沅陵侯吳陽。

荆燕吳傳

荆王劉賈高帝從父兄也。諸侯王表作從父弟。

澤還兵備西界遂逃。逃讀若逃。

子康王嘉嗣九年薨。表云二十六年薨。自文三年至景五年。正合二十六年之數。此作九年誤。立四十二年國除。高后七年至元朔二年。凡五十四年。此作四十二年誤。

乃封敬王澤元孫之孫無終公士歸生爲營陵侯。歸生爲侯。表失載。

犴穰及米。犴。他合切。說文。犴。犬食也。从犬从舌。

意亦可乎。意與抑同。

楚元王傳

某非敢忘封之也。史家避諱。

封其子信爲羹頡侯。漢紀作刮羹侯。

子禮爲平陸侯。閩本無子字。

常爲穆生設醴。案高誘云。醴以蘖不以麴。濁而甜。中山經云。其祠蘖釀。郭注云。以蘖作醴。小顏謂少籩

多米。失之。

劉德傳

後復爲宗正雜案。上官氏蓋主事。宗正掌親屬諸公主。家令門尉皆屬焉。故蓋主事。德亦案之。

劉向傳

雜選衆賢。選。及也。公羊傳云。祖之所逮聞也。漢石經逮作選。方言。迨。選。及也。東齊曰迨。關之東西曰選。

或曰及說文逕迨也。又目部睪目相及也。从目从隶省。玉篇迨逕行相及。師古以爲聚積貌。疑誤。又曰飴我釐麩。釐麩麥也。始自天降。毛詩作貽我來牟。韓詩作貽我嘉釐。文選典引注引薛君章句云。釐大麥也。陸氏釋文云。貽字或作詒。牟字書作麩。或作釐。案說文解字。來周所受瑞麥來麩。一來二纒。象芒束之形。天所來也。故爲行來之來。詩曰。詒我來麩。貽字在說文新附中。古本作詒。傳作飴。假借用也。來釐古字通。毛詩說文作來。傳作釐。同。始自天降者。今文尙書太誓云。武王渡孟津。白魚躍入于舟。出涘以燎。後五曰。火流爲烏。五至以穀俱來。故云自天降也。

山冢卒崩。卒。毛詩作萃。釋文云。本亦作卒。

分曹爲黨。往羣朋。說文黨。朋羣也。

天下苦其役而反之。役。古文役字。見說文。

上輒入之。然終不能用也。入。古納字。納其言也。師古以爲召入非也。

劉歆傳

然公卿大臣絳灌之屬。咸介冑武夫。李善注文選。謂絳灌是一人。非絳侯與灌嬰。大昭案。孝惠世。周勃灌嬰俱在。而一取封地。一取氏族。不相倫類。故李氏疑非二人。蓋據楚漢春秋。謂高祖之臣。別有絳灌。然史傳中無此人。且賈誼傳已云。樊鄴絳灌。樊指噲。鄴指食其。絳指周勃。灌指灌嬰。陳平傳云。絳灌等或讒平。樊噲傳云。羣臣絳灌等莫敢入。外戚傳。絳侯灌將軍等曰。吾屬不死。命乃且。縣此兩人。蓋各舉

其姓則周有周昌周竈之不同各舉其封地。嬰又穎陰兩字不可單稱。故當時有此絳灌之目。

在漢朝之儒唯賈生而已。三史拾遺曰：漢初涿川田何濟南伏生魯申公齊轅固燕韓嬰魯高堂生齊

胡毋生皆諸侯王國人。唯賈生洛陽人在漢十五郡之內。故云漢朝之儒唯賈生一人。宋子京謂在漢朝不容更有漢字蓋未之思耳。

逸禮有三十九 文選九下有篇字。

則有魯國柏公趙國貫公膠東庸生之遺學與此同。柏當作桓。李善注引七略云：禮家先魯有桓生說

經頗異論語。家近琅邪王卿不審名。及膠東庸生皆以教。然則李氏亦未詳庸生之名也。考後漢書儒

林傳庸生名譚。

雖昭其情 雖昭文選作深照。

田叔傳

叔取其渠率二千人筭 千 闕本作十。

高五王傳

使棘蒲侯柴將軍擊破。案功臣表有棘蒲剛侯陳武。此又作柴。說詳侯表。

盡封悼惠王諸子罷軍等七人爲列侯。本紀亦作七人。考王子侯表管共侯罷軍氏丘共侯寧國營平

侯信都楊丘侯安楊虛侯將閭枋侯辟光安都侯志平昌侯印武成侯賢白石侯雄渠俱悼惠王子同

日受封此七人當作十人下文云十五年分齊爲六國盡立前所封悼惠王子列侯見在者六人爲王是時罷軍寧國信都等已卒皆非見在故不得王

齊孝王將闔以楊虛侯立云云案六王之立詳見諸侯王王子侯各表矣此處可省

以令置八子秩比六百石案外戚傳八子視千石比中更此是諸侯王之八子故秩不同

蕭何傳

以文毋害爲沛主吏掾毋害說各不同案郡國志云凡郡國皆掌治民常以春行所主縣勸民農桑秋冬遣無害吏案訊諸囚平其臬法劉昭注云律有無害都吏如今言公平吏

秦御史監郡者與從事辨之何迺給泗水卒史事第一辨治也秦時御史監郡郡中事皆與從事共辨之何爲泗水卒史卽從事也蘇顏說皆失之

發縱指示獸處者人也說文無蹤字蹤蹟字古作縱隸釋郭仲奇碑云有山甫之縱又云徽縱顯魯峻碑云比縱豹產趙圜令碑云羨其縱高外黃碑云莫與比縱夏承碑云紹縱先軌皆是也小顏乃疑非蹤蹟之蹤誤矣

相國爲民請吾苑不許南雍本閩本吾字在苑下

坐爲太常儀牲瘦免儀表作犧說文犧宗廟之牲也賈侍中說此非古字或者古亦借用儀

曹參傳

參以中涓從 中涓卽涓人之類。國有涓人疇。陳勝傳。勝故涓人。將軍呂臣爲蒼頭軍。應劭曰。涓人如謁者。

北擊司馬欣 欣、本紀及樊噲傳作巨。

乃封參執帛 漢紀作執帛侯。非也。

擊章平軍於好畤南 平邯之弟。

還攻武彊 高帝封莊。不識爲武彊侯。卽此地。

蕭何爲法講若畫一文穎曰講或作較 案講與斟同。斟卽角斗甬之角。說文。斟。平斗斛也。文說是。小顏

訓講爲和。非是。

載其清靜 靜、南雍本閩本作靖。

張良傳

相釐王悼惠王 古今人表作桓惠王。

良年少未宦事韓 宦、閩本作嘗。

韓諸公子橫陽君成賢 功臣表傳寬以舍人從起。橫陽卽成所封地。

賜良金百溢 溢、古鎰字。陳平傳。賜金二十溢。食貨志云。秦兼天下。黃金以溢爲名。孟康曰。二十兩爲溢。

顧上有所不能致者四人 案棟釋云。揚子雲法言曰。美行園公。綺里季。夏黃公。角里先生。班孟堅。鉞近。

古逸民與揚子同。陳留志云：園公姓庾，字宣明，常居園中，因以爲號。夏黃公姓崔，名廣，隱居夏里，號曰黃公。角里先生姓周，名術，或曰霸上先生，皇甫謐之徒，說又相戾，故小顏悉棄不取。陶淵明詩：黃綺之南山，杜子美詩：黃綺終辭漢，似亦以夏爲地名也。惟圈稱陳留耆舊傳自序云：圈公爲秦博士，避地南山，惠太子以爲司徒，至稱十一世。漢刻有圈公角里先生神坐，圈公綺里季神祚機，則圈稱蓋有據也。師古以爲商山四皓，三輔舊事云：四皓隱于上維熊耳山，是商山卽熊耳山。

太子將兵有功卽位不益，卽史記作則，則卽聲相近，古字通。

人生一世如白駒之過隙，南雍本閩本世下有閒字。

取而寶祠之，寶史記作葆，徐廣曰：史記珍寶字皆作葆。

陳平傳

亦食糠粃耳，廣韻引作糠麩。

凡六出奇計，閒疏楚君臣一奇計也，夜出女子二千人滎陽東門，二奇計也，躡漢王立信爲齊王，三奇

計也，僞游雲夢縛信，四奇計也，解平城圍，五奇計也，其六當在從擊臧荼，陳豨黥布時，史傳無文。

周勃傳

攻蘭虞，史記作蒙虞，索隱曰：二縣名屬梁國。

北救漆，救當從史記作攻。

西擊益已軍 益已史記作盜巴。

陳豨屠馬邑 陳豨上脫擊字。史記及南雍本閩本皆有。

勃以相國代樊噲將 時高帝怒噲使陳平即軍中斬噲故勃代之。

遼東二十九縣 遼東上史記有遼西二字。案地理志遼西縣十四遼東縣十八合之得三十二縣。較絳

侯所定者多三縣。後又有析置者耳。且下云定郡五若無遼西止四郡矣。當從史記爲是。

漁陽二十二縣 當作十二縣。

每召諸生說士 士南雍本閩本竝作事。

國絕一年弟亞夫復爲侯 閩本無弟字。亞夫上有文帝乃擇勃子賢者河內太守十二字。

祝茲侯徐厲 當作松茲。說見侯表。

直入武庫擊鳴鼓 擊下荀紀有柝字。

亞夫固爭之不待 待當作得。

樊噲傳

賜上聞爵 上云賜爵國大夫。賜爵列大夫。下云賜爵五大夫。賜爵卿。賜爵封號。賢成君文穎以國大夫

爲即官大夫爵。第六級。列大夫爲即公大夫爵。第七級。然則上聞爵。即公乘爵。第八級也。下文五大夫

爵。本第九級。卿則左庶長以上。封君則大庶長之屬矣。

噲高后時用事顯權。南雍本閩本無噲字。用事顯權。謂呂須也。

鄴商傳

賜商爵信成君。案上文已云賜爵封信成君。此又重出。

爵乎關內侯。乎。南雍本閩本竝作皆。

夏侯嬰傳

常躡兩兒棄之。說文。躡足刺也。讀若撥。

關所奪邑五百戶。關。南雍本閩本作賜。

灌嬰傳

睢陽販繒者也。睢陽。漢紀作洛陽。

賜嬰爵列侯。號昌文侯。食杜平鄉。案絳侯世家云。賜與潁陰侯。共食鍾離。鍾離地理志屬九江。然則杜

平鄉。當是鍾離鄉名。師古以爲杜縣之平鄉。非是。

所將卒斬右司馬騎將各一人。右司。閩本作左右。

所將卒虜單騎將軍華毋傷。單騎。南雍本閩本竝作車騎。

從擊漢王信於代。漢當作韓。

傅寬傳

封陽陵侯二千六百戶 侯下當有食邑二字。

爲齊右丞相 功臣表無右字。

靳歙傳

至五石三十九人 五下南雍本、閩本皆有百字。

子亭嗣有罪 坐事國人過律免。

周昌傳

及高祖沛起 沛起二字當乙。

以苛爲御史大夫 公卿表苛自內史遷則苛曾爲內史矣。

不然今爲慮矣 慮當作虜。

然臣心知其其不可 南雍本閩本皆作然臣期期知其不可。

任敖傳

以淮南相張蒼爲御史大夫 曹參傳爲齊丞相此亦當有丞字。

孝景五年薨 蒼之免相表在後二年此亦當云後五年。

申屠嘉傳

以材官蹶張 說文。赳、距也。从走屮省聲。漢令曰。赳、張百人。蹶張卽赳張矣。

孝文元年舉故以二千石從高祖者悉以爲關內侯食邑二十四人。案本紀吏二千石以上從高帝。穎川守尊等十人食邑六百戶。淮陽守申屠嘉等十人五百戶。衛尉足等十人四百戶。紀是三十人。傳止二十四人。未知孰是。

酈食其傳

陳留高陽人也。元始二年封淮陽憲王孫。竝爲高陽侯。梁孝王傳云北界泰山西至高陽郡。國志陳留園有高陽亭。劉昭引文穎云高陽聚邑名在圉縣西。

欲率諸侯攻秦乎。攻。閩本作破。

爲人刻印玩而不能授。玩。閩本作利。

後更食武陽卒子遂嗣。案史記云以父故封疥爲高梁侯。後更食武遂。且稱武遂侯平。據此則武陽當爲武遂矣。表中疥子名勃。而此作遂。涉上武遂而譌耳。

陸賈傳

欲以區區之越與天子抗衡爲敵國。抗。南雍本閩本作抗。荀悅漢紀作抗行。

女給人馬酒食極飲。飲。閩本作欲。

臣常欲謂太尉絳侯。謂。閩本作語。注同。

朱建傳

聽梁父侯遂反。梁父泰山縣侯姓遂名也。瓚說誤。

君何不肉袒爲辟侯言帝。南雍本閩本俱作辟陽。

叔孫通傳

子孫奈何乘宗廟道以行哉。以南雍本閩本作上。

淮南王傳

皇帝歆天下正法而許大王。歆猶歆骸也。枚皋傳其文歆骸。曲隨其事。

野戰次城。次當作攻。

觸情妄行不詳。詳與祥同。尙書告爾祥刑。後漢書劉愷傳引作詳刑。君嘔云其終出於不祥。蔡邕石經

作其道出於不詳。易履上九云視履考祥。釋文云本亦作詳。

亡之諸侯游宦事人及舍匿者論皆有法。舍匿謂匿於其舍。季布傳購求布千金敢有舍匿罪三族是

也。是時長收聚漢諸侯人及有罪亡者匿與居故有是言。

及以亡名數自古者。古南雍本閩本竝作占。

與棘蒲侯柴武太子奇謀。太子棘蒲侯之太子也。奇其名。

大夫但士伍開章等。上云男子但猶言妄男子耳。此云大夫是民爵第五級。張晏以大夫爲但之姓。豈

士伍亦開章之姓乎。必不然矣。

列侯吏二千石臣嬰等四十三人議。嬰、夏侯嬰也。其時灌嬰、陳嬰皆前卒。

獨斬丞相御史以謝天下。迺可。案淮南王之死，非丞相御史之故也。斬之何爲？此句疑有誤字。下文云：

上卽令丞相御史逮諸縣，傳淮南王不發封餽侍者皆棄市。是從爰盎所請矣。爰必不請斬丞相御史，明甚。

吳使者至淮南，淮南王欲發兵應之。淮南二字，閩本不重。

漢亦使曲成侯將兵救淮南。曲成侯，蟲達之子，名捷，小顏以爲名捷，非是。

作爲內書二十一篇。西京雜記云：淮南王安著鴻烈二十一篇，鴻，大也。烈，明也。言大明禮教，號爲淮南

子。一曰劉安子，自云字中皆挾風霜。揚子雲以爲一出一人。

多與金錢爲中，詞長安。說文：詞，知處告言之。

事下廷尉河南南治。案壽春嚴正上書言淮南事，亦以其事下廷尉河南治。又衡山王上書告太子

不道事，亦下沛郡治。又趙太子丹事，亦繫魏郡詔獄。與廷尉雜治。又廣川王去事治鉅鹿詔獄，此重河

南二字，衍文。

大臣必徵膠東王不卽常山王。古否字，卽則古通用。

衡山王傳

后乘舒死。閩本無乘舒二字。

今居外家 今南雍本閩本作令。

作輶車鍛矢 說文輶兵車也。

遣中尉安大行息 安即司馬安。汲黯姊子。所謂文深巧宦。四至九卿者也。息李息也。大行下當有令字。

蒯通傳

所以不敢事刃於公之腹者。師古曰事本作傳。案傳字說文所無。古只作事。

先下君而君不利 南雍本閩本不利下竝有之字。

通善齊人安其生 漢紀作安期生。

伍被傳

今我令緩先要成皋之口 緩漢紀作樓緩。

故孟子曰紂貴爲天子死。曾不如匹夫。今孟子無此文。或曰孟子外篇玩語氣。孟子文似只此二句。下

三句是伍被引伸之詞。王氏藝文志考證。合下三句能爲孟子外篇。非也。

江充傳

充出逢館陶長公主行馳道中 陳景雲曰案功臣表館陶公主子堂邑侯陳季須。元鼎元年坐母公主

卒。服未除云云。即主卒於元狩之末。及江充貴幸。主沒已十餘年矣。館陶字誤無疑。

後充從上甘泉 後閩本作先。

息夫躬傳

太后及弟宜鄉侯馮參皆自殺。弟中山太后弟。

諸曹以下僕遯不足數。召南野有死麕。云林有樸楸。毛傳。樸楸。小木也。僕遯與樸楸字異。音義同。言其

才小弱不任用。

如使狂夫鳴譟於東崖。說文。鳴。聲。鳴。鳴也。

未有能窺左足而先應者也。窺。讀與趨同。說文。趨。半步也。俗或作頤。荀子勸學篇云。不積頤步。無以至

千里。楊倞曰。半步曰頤。

羽檄重迹而押至。押。疑是狎之譌。

器用監惡。四牡詩傳。監。不堅固也。搗羽詩傳。監。不攻緻也。

石奮傳

以奮爲中涓受書謁。陳平世家云。是時萬石君奮爲漢王中涓受平謁。卽其事也。

朕方答氣應。氣。閩本作瑞。

直不疑傳

拜爲御史大夫。據表。自衛尉遷。

文三王傳

梁懷王揖 揖、史記作勝。

西至高陽蘇林曰陳留北縣。注有誤字。當云在陳留圉縣。說詳酈食其傳。

大臣及爰盎等有所關說於帝太后。案關說二字起於此篇。又佞幸傳云高祖時則有籍孺。孝惠有閔

孺。俱以婉媚貴幸。與上臥起。公卿皆因關說。

議格注格音格鬪。閩本作格者。格鬪也。

梁相軒丘豹。楚文王庶子食采於軒氏。因以爲氏。見廣韻。

弟憂恐。弟南雍本閩本作帝。史記作景帝。

參徙爲代王復并得太原。參兼王代。太原地。故地理志。大陵縣屬太原。而衛綰傳云代。大陵人。

凡立四十年薨。表作三十八年。此誤。

梁共王買立十年薨。案買立於孝景後元年。薨於武帝建元四年。表作七年是也。此誤。

天子遣廷尉賞大鴻臚由。賞。方賞。由。畢由也。

賈誼傳

制度定官名。閩本制下有法字。

嗟若先生。若當作苦。文選注引應劭曰。苦。勞苦也。

般紛紛其離此郵兮。般字从舟。說文。般。辟也。象舟之旋。小顏以爲字從丹青之丹。謬矣。

遙增擊而去之。史記作搖增，翻逝而去之。大昭案擊，卽翻也。古擊鬲通用。長楊賦，桔隔鳴球。韋昭曰：古文鬲爲擊。說文玉部，璫讀若鬲。裘部，釃讀若擊。

單閼之歲四月孟夏，徐廣曰：文帝六年歲在丁卯。談泰曰：依三統術超辰法推之，孝文六年太歲在丙寅，單閼之歲是七年也。徐說誤。

注此以造化爲大鈞也。此以閩本作以比。忽然爲人，何足控揣。如淳曰：揣音團。案揣無團音，必作搏字。乃與患字合韻。文選作控搏，并引如淳曰：搏音團，或作揣。是如淳本作搏也。小顏變其字而仍其音，遂致讀者不可解矣。

以幸天下。賈誼新書：幸作宰。彼自承尉以上偏置私人，偏新書作徧。日中必夔，夔當作斐。注同。說文：夔，暴乾火也。

陛下雖賢，誰與領此。師古曰：領理也。案仲尼燕居云：敢問禮也者，領惡而全好者，與鄭注領猶治也。領治是古訓。師古避諱改爲理。

莫不制從。制從新書作從制。家貧子壯則出贅。如淳注：嚴助傳云：淮南俗，賣子與人作奴婢者，名爲贅子。三年不能贖，遂爲奴婢。說文：贅以物質錢。从敖，貝。敖者猶放貝當復取之也。質以物相贅。从貝，从所。故漢之七科，謫贅壻同於吏。

漢書辨疑 卷十七 二九七

有罪亡命等也。小顏謂不當出在妻家。猶人身體之有疣贅，失之矣。今人以就婚婦家爲贅壻，猶沿小顏之謬說。

而禮之所爲生難知也。生，闕本作用。
奠，託亡節。說文，奠，頭表，執奠態也。从矢。

